

E
39.



BIBLIOTHECA
UNIV. JAGELL.
CRACOVENSIS

rekomp.

394364

Mag. St. Dr.

III






394364 III

Mag. St. Dr.





Theresa Levens Gansky



10263

III

HISTORICO-PHILOSOPHICA
DESCRPTIO

PICTURÆ NOVÆ

BIBLIOTHECÆ FORNICI INDUCTÆ

IN

CANONIA STRAHOVIENSI

CANONICORUM PRÆMONSTRATENSIIUM PRAGÆ IN
MONTE SION

AB

ANTONIO MAULBERTSCH,

ACADEMIÆ ARTIUM VINDOBONENSIS ET BEROLINENSIS SODALI,

CURA ET IMPENDIIS

WENCESLAI JOSEPHI MAYER,

ABBATIS SIONEI ET MILOVICENSIS, REGII ELEEMOSY-
NARII, ET INCLYTI REGNI BOHEMIÆ
PRÆLATI.

PRAGÆ,

TYPIS VIDUAE ELSENWANGER, FACTORE ANTONIO PETZOLD, 1797.



394364

III


Pub. tag.

St. Dr. 2016 D. 252. / 9 (185)



J. Porta del. et sc. Pagni.





RATIO OPELLÆ.

Quemadmodum eorum regnorum constitutio, in qua scientiarum cultus, & promovendarum studium desideratur, cum flore illorum, ubi hæc domicilium fixere suum, vix ac ne vix quidem in comparisonem venire audet, ita vicissim, si scientiæ tam librorum supellectile, quam Mæcenatum opera non adjuventur, sibi similes constare vel non poterunt, vel saltem majora nequibunt capere incrementa.

Om nibus propterea sæculorum temporibus laude dignissimum habebatur conamen eorum, qui in erigendis Bibliothecis operam, & studium collocavere suum, non ignari, quod illustrium virorum tumultus esset orbis universus, neque id dome-

domesticorum tantum saxorum testetur inscriptio, sed etiam sine literis in exterarum gentes egressa memoria, majusque apud animum cujusque, quam apud urnas, commoretur.

Bibliothecarum enim erectione augustissima musis templa eriguntur, cognitionum humanarum series, ordoque conservatur, irrumpentibus ignorantiae tenebris omnis tollitur occasio, & humani intellectus in diversum sciendi genus impensa molimina, hic, tanquam in illis admirandis Aegypti mausolæis, immortales animorum in unum collectæ fervantur reliquiae, summo posteritatis emolumento usurpandæ.

In Bibliothecis porro *vivunt homines illi superstites sibi, hic loquuntur, & tacent — hic audiuntur, & silent, hic intelliguntur, & muti respondent.* (P. Labbe) *Libri quippe, Patrarcha teste, medullitus delectant, colloquuntur, consulunt, & viva quadam nobis atque arguta familiaritate junguntur; neque solum sese lectoribus quisque suis insinuat, sed & aliorum nomen ingerit, & alter alterius nomen facit.* Hic denique locus ille unus est, cujus conspectu scioli medullitus terrentur, & nugivenduli tacite, profiteri coguntur - *quantum — est, quod nescimus!*

Hisce nihilominus insignibus prærogativis non obstantibus Bibliothecæ etiam præstantissimæ omni carebunt emolumento, si hæ non in studium, sed in spectaculum solum compar-

parentur, si etiam inter balnearia & thermas, quasi necessarium domus ornamentum, expoliantur, ut suo jam tempore monuit Seneca; siquidem tales inutile pondus, & vanum ornamentum haberi necessum est.

Bibliotheca tamen regiæ Canonix Montis Sion, supra Pragam minorem recens erecta, priori jam utcunque amplæ conjuncta, nunc vero usui publico destinata, si præcipuis musarum palatiis accenseretur, nemo facile invidet, quisquis illius selectiorum librorum copiam, quæ pretium internum efficit, quam adparatum exteriorem, qui ejusdem magnificentiam constituit, consideraverit.

Istam etenim, Ordinis præmonstratensis Canonica Strahovienſis sub WENCESLAO JOSEPHO MAYER, Regis Bohemiæ Elemosynario, Regni Prælato, Abbate suo hujus nominis secundo (sit hic nobis primus! —) tantis istius curis & expensis, ad hunc, quem cernis, perfectionis & magnificentix gradum, omnibus feliciter superatis obicibus, perduxit; Religioni, rei literariæ bohemiæ, totiquæ patriæ nostræ, hujus quidem in usum & ornamentum, Sioneorum vero ampliorem in profectum devovit, atque non tam nominis sui famam viventibus & posteris, quam vel maxime successoribus suis exemplum relinquere voluit tantum, ut suis deesse partibus non possint,
quin

quin opus hoc celebre, porro, deincepsque, omni, quo possint, modo adjuvent, promoveantque.

Scivit quidem, atque optime novit Abbas noster Reverendissimus suorum decessorum insignes sollicitudines & curas in penum librariam prioribus jam sæculis infumtas, sicut etiam quæ fata subierint, tam turbulentis bellorum, ac tumultuantium Hussitarum, quam etiam aliis temporibus; quæ universæ reipublicæ literariæ vulnera illata sint, ita longa annorum serie cicatrices non ocaluerint, & damna inde orta refarciri potuerint vix alio modo, quam si bona arriperetur occasio, selectu librorum hinc inde coemto, ista compensandi.

Evenit etiam feliciter, ut priori utcunque amplæ & insigni collectioni bonus numerus operum præstantissimorum partim a Clausero, partim ab Heidelio, denique a Riegero de Bohemia, universaque Literatura optime merito, tum quoque ex innumeris auctioribus, etiam exteris e provinciis, brevi hic, brevi illic institutis, coemerentur, reliquoque apparatusi adjungerentur; quorum copia exiguo tempore ita accrevit, ut locus prior, etiamsi trino sibi succederent continuo ordine libri, recipiendis non sufficeret amplius. Hinc necessario fieri oportuit, ut de loco toti huic continuo crescenti librorum apparatusi capaciore provideretur.

Pro-

Providit omnino; & ut omnibus, singulisque hospitibus commodior pateret accessus, ne per claustra Canonix, cum disciplinæ domesticæ institutione aditus pugnaret, Propyleum, quod ad templi sinistram visitur, erigebatur, aptabaturque, & fere usque ad finem deductum erat, cum ecce alia se obtulit occasio novum hoc ædificium exornandi. Siquidem armaria librorum longe majoribus, quam dici possit, sumptibus, uti splendide ita artificiose exstructa, auro fere ad profusionem ornata, reductæ ad Znoymam Lucensis Abatiæ venalia erant, sed & tantæ emendi difficultate implicita, ut animis quisque caderet, & spem illa possidendi inter *adventum* haberet.

Nihilominus fraterno, quo in Canoniam Lucensem ordinis sui ferebatur amore, simul etiam ne tam sumptuosum opus penitus destrueretur, superavit obices omnes & obstacula, in urbis Pragenæ ornamentum, suæ Canonix sionæ reddidit propria, e Moravia magnis impendiis ad nos translata, utque Bibliothecæ hic novæ adaptarentur, & simetria armariorum inter se & cum ædificio prorsus consentiret, muros & fornicem in altius evehi curavit.

Verum particularis hic ornatus, elegantiaque solum ex parte obtinuisset, & nunquam pulchritudo integralis extitisset,

set, nisi etiam totus fornix, ut reliqua exigebant, exornaretur. Ultimam igitur manum etiam huic pretioso operi constituit imponendam, & quamvis non nesciret, Patriam nostram, alias tot in arte pictoria Magistrorum matrem & altricem, non possidere amplius Sadeleros, Polzios, Sprangeros, Heinzios, Sarerios & innumeros alios viros penicillo suo celebres nominatissimosque, qui Maximiliani II. & Rudolphi II. Cæsarum, Regumque nostrorum Bohemiæ temporibus floruerunt, vix etiam Scretas, Kilianos, Liskas, Reineros, Branderos, Braunios, Procopios, iisque similes reperiri; tamen ut Bohemiæ Strahoviensis, sicut Moraviæ Lucensis Canonica a Maulbertschii Vindobonensis artium Academia, Berolinensisque sodalis, quam percelebris pictoris, tam viri integerrimi, penicillo illustraretur, ex historia potissimum religionis, scientiarumque propagatarum, ac Chronico mundi themate desumpto, curas omnes adhuc dum non ultimas, impendit Abbas MAYERUS, cujus memoria hic erit perennis.

Hujus picturæ descriptionem in sequentibus ita damus, ut quilibet gnarus sententiam ferre possit, utrum veros philosophiæ aliarumque scientiarum fontes in eorum characteribus dandis secuti fuerimus; ii vero, qui in studiorum semita eousque non pertigerunt, habeant, unde edoceantur, nosseque

que discant, qui Philosophia scientiæque reliquæ continua sæculorum serie in — & decreverint; denique religionis, cultusque divini necessitatem, primordia, ejus progressum, virtutum quoque assymbola, ceu ad æternæ sapientiæ usque agnitionem, veræque felicitatis consecutionem media, contemplantur.

Hanc, quam in medio pavimenti Bibliothecæ spectas e carario marmore nitide effictam, & ad omnes artis statuariæ regulas compositam effigiem (sic enim oculos, sic ille genas, sic ora ferebat modulus, ab Academia artium vindobonensi submissus, secundum quem artis statuariæ magister non incelebris *I. Lederer* noster, præsentem atome efformavit) est Augusti Romanorum Imperatoris, Hungariæ, Bohemiæque Regis FRANCISCI II. quam pietate & religione in Deum, in suas sibi subditas nationes, & regna, tam constantia rebus in arduis nulli secundi! *legis & fidei* simbolo, quod verbo opereque ad amussim exequitur, omni deinceps seculorum memoria celebrandi Patriæ Patris!

Qui novit: sicut ad imperia evertenda nihil esse impietate violentius, ita vicissim ad eadem conservanda, nihil esse pietate robustius; qui intelligit: quod nullo freno flectatur facilius, quam religione, ac Numinis reverentia, populus, quia si

hanc ejecerit, nulla humana lege contineri potest; sic enim humana sunt divinis aut nexa, aut obligata, ut illa, etsi non quæras, per ista obtineas; nihil etiam perditur, quod Superis offertur; his enim multa si dantur, plura recipiuntur; certant siquidem cum nostra liberalitate, & quia plus possunt, nos vincunt. Hac igitur fide in Deum, hac fide in populos, & sui jurisjurandi Sacramentum—maluit: ut novissimo ac funestissimo omnium bellorum finem imponeret, de suis amittere ditionibus aliquas, ut germanico Imperio servaret integras, & si posset, etiam universas; mirumne? hæc etenim jam exinde Austriæ Principum receptissima erat indignatio, ut gravibus offensis suis, bene merendo obviare, ne meminerint injuriarum, beneficiis tegant; illud sectari vindictæ genus, quod sibi innocuum, hostibus immane,—utrisque gloriosum. Sed manum de tabula! quis enim laudum FRANCISCI II. summam inveniat, cum omnium laudum *Illius* sit maxima: nolle laudari, & laudabilem esse! mereris laudes omnes, dum omnes rejicis, & quisquis hoc dixerit de *Te*—dicet laudes *Tuas*, dum de illis tacebit.



CONSPEC-



FRANCISCUS II. AUGUSTUS

Lege & Fide

exprimens

Maximilianorum

Singularem sapientiam ac animi moderationem,

Ferdinandorum

Eximiam religionem et constantiam,

Leopoldorum

Invictam fortitudinem et excellentem consilii prudentiam,

Josephorum

Cum summo coniunctam ingenio summam industriam,

Carolorum

Insignem benignitatem et clementiam,

Mariae Theresiae aviae

Incredibilem in omnes pietatem ac munificentiam

ut

Pius et semper felix peregrinetur

vovet

Wenceslaus Mayer

Abbas, et Canonici Strahoviensis.



No. 1764 del. d. 7c

LIBR. UTRECH.
UNIV. 1821.
CRABOVILNCIS



CONSPECTUS I^{mus}.

Portæ principis in ingressu librariæ Aulæ, Canonix Strahoviensis regiæ; dexter inspicendus est primum fornicis insigniter picti angulus, in quo videndus datur divina manu effectus primus homo, parens, caputque

Imo. ADAMUS; a) ad stybolatam opere plastico constructam confidens, vultum-
que manibus tegens; situ nempe hoc, pro conjugē sua peccati causam
quasi misere indicans, ex eo : quod homo uxorius plus displicere fœ-
minæ

a) Adamum primum fuisse Philosophum, in quo non infans, sed adulta Dei munere
coeperit philosophia, profecto iis est assentiendum, qui sentiunt: Sapientiam una cum
humano genere ante diluvium propagatam ab eodem parente & Magistro Adamo fuisse.
Fuit olim apud Græcos hæc sapientia, quæ philosophiæ nomine venit Bruckero,

Tom. I. pag. 434.

Publica privatis secernere sacra profanis,

Concubitus prohibere vagos, dare jura maritis,

Oppida moliri, leges incidere ligno. Horat. in arte poet.

Quæ utinam nunquam ita degenerasset, ut ejusmodi protulisset Philosophos, de qui-
bus Aul. Gell. lib. 17. *factis procul, verbis tenuis; dignos profecto, quibus occineret*
Paccuvius: *ego odi homines ignava opera, & philosopha sententia.* Atqui illud est, de quo
nemo dubitet: Adamum posteros in societatem vitæ convocasse, eos primum domici-
liis junxisse, sacra prophanis secrevisse, quod nisi liceat e libris sacris conjicere, alteri
e libris græcis, modum conjiciendi nunquam libeat facere.

Quodsi



minæ sibi subditæ, quam Conditori suo vereretur; culpam enim, ut notum est, statim excepit pœna, siquidem nudum se, egentemque illico agnovit, ac veluti cum pravis animi motibus, domesticis hostibus, malum se & miserum, malorum & infortunatorum progenitorem deploraret.

Ad lævam Adami

- 2^{do}. EVAM; sibi datam comparem & adjutricem (fatale pomum ostendentem, & quasi e latere prospicientem) intueberis.

Suos infra progenitores in opere illo plastico, duos non multum post lapsum in lucem editos filios

- 3^{tio}. CAINUM & ABELUM, heu quam institutis & moribus dissimillimos; & quidem *Abel* (uterque enim ex institutione paterna Deum sacrificio venerari, adorareque docti) pro sua erga Numen optimum maximum adorationis & oblationis sinceritate victimas selectas offerens, adoransque conspicitur; holocausta Deo placita fumus recta cœlum petens indicat. Quæ cum *Cainum* (qui teste sacro codice manipulos districtos, ac pæne sine granis, victimasque macilentas offerre solitus erat) graviter pupugerit Dei in *Abelem* amoris significatio; hinc torvo vultu, minitante pugno, rancorem significantem, quem corde alebat, & vindictam proximæ sumendam spirantem, probe expressit Maulbertschii penicillus; prout nempe desperatus & amens deinceps totius corporis inusitato tremore fratricidii pœnas tulit, factus caput & princeps impiorum ac damnatorum.

CONSPECTUS II.

In alteram fornicis partem orientalem supra fenestram primam spectator abi, & eos, quos velatis capitibus, lapides post tergum jacentes vides

Imo.

Quodsi quisquam quærat: quid? illine primi mortales, quorum vel vitia, vel virtutes eximæ sacris literis sunt proditæ, ista gloriosa ac præpotenti philosophia eruditi fuerint? græce eos philosophatos fuisse, non hercle opinandum est! at sapientes ita fuisse: ut principia veri bonique haberent, cognitiones bene multas ad illa ipsa exigerent, omnino persuaderi potest.



1^{mo}. DEUCALION & PYRRHA est. b)

2^{do}. Turbam vero hominum diversis vultibus, gestibusque mores & affectus diversos prodentem, atque ex his lapidibus prognatam ita accipe:

Sicut enim in *Deucalione* & *Pyrrha* homines beneficentia pleni, & omnis boni solliciti, generisque humani emolumenti studiosissimi designantur; ita nihilominus a primis jam mundi incunabulis factum est, ut mortales sua forte non contenti primævis mox societatibus initis, nec unam sibi propositam vivendi normam sequi voluerint; verum alii in aliud vitæ genus, tum etiam religionis exercendæ studium normamque abierint. Opinionibus igitur invicem distracti, quasi inter se dimicarent, expressi sunt.

3^{tio}. Remotioribus illis, obscurioribusque montium catenis ignorantia, & obcæcatio intellectus, peccati pœna indigitatur.

4^{to}. Templum demum, quod cum altaribus hinc inde sparsis visitur, indigitat; nullam unquam ætatem, nullam gentem etiam ferissimam exstitisse, quæ Deum dari, colendumque esse, arbitrata non fuisset.

CONSPECTUS. III.

Quemadmodum autem Deum natura esse indicabant, & ratione cognoscebant satis recte; ita perversitate vulgi, & impia jam tum philosophandi ratione, dum de Cosmogonia sine testimonii divini & luce & auctoritate multi differuissent, fieri debuit, ut vim naturamque divinam male animo informarent, atque ita naturæ soli nimium adhærentes, credulique, eadem non satis perspecta, errores hinc innumeros producerent.

Hæc & similia expressit *Maulbertschius*, cum

1^{mo}.

b) De quibus ex historia hoc nobis notum: cum ad Parnassum in Hellade aquæ terras obruissent, multosque mortales sustulissent, hic ipse *Deucalion* & *Pyrrha* ejus conjux, parnassi homines duos & sylvestres ad certas nuptias, cultiusque vivendi genus traduxerunt. Aliud fabula, Themidisque oraculum! — ita nempe: dum sapientes viri loquuntur erudite; — a vulgo audiuntur inscite, hinc orta mythologia est, pari quidem eruditionis fructu & dispendio veritatis.



- 1^{mo}. BACCHANTEM ventrique deditum una ex parte, tum
 2^{do}. CENTAURUM vindictam spirantem, posterioribus pedibus, quasi omne
 jugum ejicere vellet, ferocientem, tum denique
 3^{tio}. FAUNUM libidini deditum, cornibus & caprinis pedibus ad scēminam
 tympanum agitantem, sese projicientem, tandem
 4^{to}. CAPRUM inter hos medio exilientem pinxisset; symbola nempe, morali
 interpretatione, hominum belluino more secundum inferiorem partem
 viventium.

CONSPECTUS IV.

Hæc & talia, quid apud perspicacioris ingenii homines progignere po-
 tuere aliud, quam ut ipsi fastidirent simili methodo vivendi deditos,
 eosque non modo despicerent, sed cum supra hos etiam sapuerint, op-
 primere tanquam debiliores decreverint? vel ideo consentaneum erat,
 ut hic statueretur

- 1^{mo}. superbus ille indomitusque BUCEPHALUS, non nisi domino suo portando
 assuetus, genuinum Domini sui ectypon effigians, nempe :
 2^{do}. ALEXANDRUM Macēdoniæ heroem. c)

CON-

c) Cujus caput, scribente Labbeo, intra se mundum gessit, nec tamen plenum fuit; qui
 plures mundos extra unum quæsit, & post victa omnia adhuc quærens, quod vincat,
 non quievit. Qui ut infans timuerat, ne haberet quod vinceret, dum patrem victo-
 rem vidit, simul invidit. Flevit, & lachrymæ infantis orbem terruere; post victum
 orbem iterum fleuit, dolens post omnia nihil superesse vincendum. Quam avarus! qui
 post Darii divitias adhuc pauper erat. Quam ambitiosus! cui nec natura satis fuit, nec
 fortuna; qui adeptus nomen magni, majus aliquid ambiit; solus sine æmulo clarus, vo-
 lebat esse clarior; major fortuna sua, voluit porro esse major, & ne æmulo careret,
 factus suimet æmulus. Extra se victor, intra se victus; extra se Dominus, intra se
 servus; imperans aliis, serviens sibi — amoris — impotens sui. Id nempe egerat victo-
 riis suis, ut cetera haberet in potestate, non — seipsum; cum foris victor — domi esset
 captivus.

Hic igitur *Alexander* quantumvis egregii plane corporis & animi fuerit, in quo ar-
 tium robur conspiravit & mentis fortitudo, neque laboribus fracta, neque periculo de-
 territa; una tamen ebrietatis labe corrupta est, eo omnino vitio, quod in mediastinum
 potius, quam in principem cadere solet.



CONSPECTUS V.

Hic profecto Alexander, alique ejusdem moduli homines, non modo plurima orbis regna suæ imperandi libidini subjecissent, totumque, quate patet, orbem evertissent, nisi providus creatis suis rebus infinite bonus sapiensque Deus, viros ejusmodi, vicissim iis omnino temporibus excitasset, qui concivium suorum collabascens animos erigerent, principiisque imbuerent sanioribus, utut in exotica, plerumque obscura abeuntibus. Propterea Alexandro Magno adjunctus est

1^{mo}. ARISTOTELES d) aptissimus moribus aulicis Magister, a Satraparum aliquo

d) De *Aristotele* cum scribere ordimur, quo fato philosophiæ fiat, nescimus, ut præstantissimus quisque Philosophus famæ sit maxime dubiæ; vel ille *Aristoteles*, quam est ab aliis laudatus, ab aliis contra vituperatus! jam enim ab antiquissimis philosophiæ temporibus de *Aristotele* omnia & bona dicuntur & mala; credas etiam imposterum studio partium dicuntur? quo nos omnino vacui de hoc Philosopho ea hic adferemus, quæ & Lectorem erudiant; & cur imago hæc picta sit, illustrent.

Aristoteles natione Græcus, Stagiræ, Thraciæ oppido, Macedoniæ colonia, natus est patre Nicomacho medico, & æsculapii sanguine prognato, matre Phæstide, de qua incertum genus tradunt antiqui. Anno I. Olym. 99.

Cum parentes puer amisisset, est a Proxeno Atarnensi liberaliter educatus. Incertum est autem, quod vitæ genus sit *Aristoteles* secutus, fueritne miles, an pharmacopola? Dilapidatis bonis patriis Platoni anno ætatis 17. Athenis in disciplinam se dedit; (Socratem enim, qui faciunt *Aristotelis* triennio integro Magistrum, mortuum illi dant Magistrum.) Posuit in audiendo Platone *Aristoteles* viginti annos totos; quo tempore acceptissimus erat præceptori, qui domum *Aristotelis* anagnostæ domum, qui *Aristotelem* mentem Gymnasii vocabat.

Mortuo Platone, cum ægerrime ferret *Aristoteles* sibi in Academiæ præfectura Speusippum fuisse præpositum, contulit se ad Hermiam, hic ante condiscipulus & amicissimus *Aristotelis*, Atarnensium in Myssia tyrannus, excepit domi *Aristotelem*, & honorificentissime & benignissime. Deinde a Memnone rhodio captus Hermias, & ad Artaxerxem regem Persarum adductus, cum supplicio extremo esset affectus, nihil prætermisit *Aristoteles*, quo & dolorem testaretur suum, & officia hospiti mortuo præstaret. Hymnum in memoriam honoremque Hermiæ scripsit; statuam Delphis illi in templo sacravit.



quo regale pallium fuscipiens & tamdiu sibi constans, quoadusque ab
aliis

Pythiadam, Hermiæ heredem, aliis etiam filiam naturalem, aliis adoptivam, aliis neptem ex fratre filiam, duxit in matrimonium, eamque habuit animo egregie charam suo. A supplicio Hermiæ Mytilenas se proripuit *Aristoteles*.

Philippus Macédoniæ rex *Aristotelem* Alexandro filio dedit præceptorem. In hanc sententiam nobis has literas servavit scriptas Gellius: *Philippus Aristoteli S. D. Filium mihi genitum scito, quod equidem Diis habeo gratiam, non proinde quia natus est, quam pro eo, quod eum nasci contigerit temporibus vitæ tuæ. Spero enim fore, ut eductus eruditusque abs te, dignus existat & nobis & rerum istarum successione.*

Hic *Aristoteles* aptissimus moribus aulicis, maxime se Philippo, Olympiæ & Alexandro probavit. Hic solitus erat dicere, a Philippo habere se ut viveret, ab *Aristotele*, ut bene viveret; qui tantos ab *Aristotelis* ore sibi fecit spiritus, quantos unus non caperet orbis, qui millenos quot hominum in totius Asiæ, Græciæque tractu iussit parare omne animantium genus, quod *Aristoteli* cognoscendum exhiberent.

Relicta deinde regia Macedoniæ Athenas venit *Aristoteles* anno 2. Olymp. CXI. non vocatus ab Atheniensibus, ut philosophiam traderet, sed sponte sua, cum ipse sibi turpe putaret filere, Xenocrate in Academia docente, scholam habere cœpit in Lycæo. Erat autem Lycæum in suburbio Athenarum locus publicus a Pericle conditus, in quo novi milites a campi ductoribus, sive polemarchis ad vera belli facinora ludicris pugnis exercebantur, ubi ambulacra, fontes, arbores, omne genus erat amœnitatum. Cum ergo in Lycæo ambulans doceret, ab ambulando dictus est peripateticus; quamquam & ipse sæpe doceret sedens, nec dictus fuerit peripateticus Plato, qui deambulationem sæpe doctrinæ causa frequentavit.

Ea autem erat fama *Aristotelis*, quam una Alexandri sustineret potentia; quo anno I. Olymp. CXIV. defuncto, repente flamma in illum exarsit invidia. Publice reus cum haberetur violatæ religionis, eo quod negaret quidpiam prodesse precès & sacrificia, qui Deum necessitate quadam induceret constrictum, ipse fuga sibi consuluit, causatus: *noluisse se committere, ut Athenienses bis peccarent in philosophiam*, ad supplicium Socratis alludens.

Cum venit Chalcida, ubi non diu fuit superstes, stomachi contracta ex studio infirmitate, obiit eodem, quo fugerat anno. Divinis honoribus civem suum inacta-vere Stagirani, qui corpus in patriam attulere, aram & delubrum illi dicavere.

Morti proximus Theophrastum dicitur scholæ præfecisse. Ex uxore Pythaidæ Pythaidam filiam, ex altera uxore Herpylide, quam alii concubinam voluere, Nicomachum filium suscepit, cui vel scripsit libros Magnorum moralium *Aristoteles*, vel qui ipse eos scripsit, fuit enim & valde Theophrasto clarus, & in philosophia insignis.

Jam de virtutibus *Aristotelis* pleni sunt libri, plena est exemplorum non antiquitas sed recens hæc nostra ætas. Nos missis dubiis multo rectius in *Aristotele* laudabimus grati, memorisque animi fidem, in reddendis beneficiis & Nicanori tutoris sui Proxeni filio, & Hermiæ, cujus familiam secum matrimonii necessitudine conjunxit.

Præterea laudata est *Aristotelis* charitas in patriam, quam ornandam multis beneficiis curaverit; laudata industria & labor in studio ejusmodi, ut exiguam partem quieti daret



aliis commentatoribus sibi dissimillimus redditus non esset.

2^{do}.

daret nocturnæ; quæ quo brevior esset, solitus erat somnum inire, æneo globo manu comprehenso, qui cadens in subjectam pelvim, sonitu vixdum dormire incipientem excitaret.

Laudata denique immensa quædam lectio, quam modo is negaverit, qui nunquam ipse *Aristotelem* omnium philosophorum eruditissimum legerit.

Supereft, ut de doctrina *Aristotelis* brevibus dicamus.

Philosophia non sub pallio, sed sub facie corporis vili in *Aristotele* latebat. Is exiguis oculis, voce gracili, lingua etiam hæsitante in juventute, naso elato, cruribus parvis, valetudine fuit infirma, quæ omnia naturæ mala virtus & industria aut vicit aut dissimulavit. Tantus enim ac talis vir Ciceroni fuisse visus est *Aristoteles*, quo uno nemo omnium doctior, nemo acutior, nemo acrior, nemo fuerit nervosior, singulari vir ingenio, ac pene divino, flumen orationis aureum, ab eodem dicitur, fundere fuisse solitus; ut vero erat Cicero secundum Audomarum Talæum *laudum vel alienarum prodigus*.

Certe in doctrina tradenda, ad quam maximus discipulorum confluebat numerus, Academiæ disciplinam, si nihil aliud, diligenter retinuit *Aristoteles*, qui geminam methodum & arcanam & popularem in docendo servavit, duas enim habuit species commentationum *exotericas*, quæ ad rhetoricas meditationes, facultatem argutiarum, civiliumque rerum notitiam conducebant; alia *acroamatica*, in qua philosophia remotior subtiliorque agitabatur, quæque ad naturæ contemplationes disceptationesque dialecticas pertinebat.

Tempus item & genus discipulorum, non doctrinam modo in duas habebat distributam species; matutino tempore cum discipulis interioris admissionis, de philosophia remotiore ac subtiliore; vespertino vero, cum juvenibus sine delectu, de rebus civilibus & medio positis diserebat. Duo etiam librorum genera erant, unum populariter scriptum, quod exotericon appellabat, alterum limatius, quod in commentariis reliquit.

Omnino nihil habet *Aristoteles* non valde controversum & exagitatum, vita omnis etiam nunc in judicio versatur, his accusantibus, illis *Aristotelem* in astra ferentibus; doctrina vero & libri *Aristotelis* jam dudum habent & laudatores eximios & accusatores molestos.

Occurrunt tamen multa, quæ hominem faciunt obscurum: quod philosophiam vellet occultam, quod brevitati studeret, quod sermonis proprietatem etiam non usu receptam sectaretur, quod partes sermonis, multis datas philosophis, qui sensa animi sui exponerent & confirmarent, vix ullo discrimine sejungeret; quod denique gloriam ex aliena reprehensione sive merita, sive immerita, conquireret; qui neminem praterivit, quem non carperet, ratus tantum in se derivaturum gloriæ, quantum aliis omnibus ademisset, qui denique more Ottomannorum putavit, regnare se tuto haud posse, nisi fratres suos omnes contrucidasset. Ita Vives, ita Verulamius & alii plurimi.

Nunc scripta ejus attingamus! Vivus *Aristoteles* vix passus, quidpiam suorum scriptorum publici fieri juris; moriens & suos & alienos, ex quibus primus omnium dicitur confecisse Bibliothecam, Theophrasto libros in manus dat; is Neleo Soepfio legat. Neleus hæredibus suis indoctis tanquam margaritas porcis testamento reliquit,



2^{do}. Paulo ab Aristotele comparet vir ille ambitiosæ paupertatis, qui fastum aliorum proprio fastu calcare consuevit *DIOGENES* nempe *e*) eodem die Corin-

qui eos neglectos habuere, escas tineis blattisque, eoque, dum Attalici Reges Pergami Bibliothecam ut instruerent, undeque scripta conquirere cæperunt. Veriti hæredes Nelei, ne pro imperio Reges illi, quibus ipsi parebant, *Aristotelis* libros eriperent, in specu subterranea abdidere, ubi cum amplius CXXX annos publico caruissent, situ & squalore confecti, in manus venerè magno pretio Apelliconis Teii, librorum quam doctrinæ avidioris, qui Bibliothecam Athenis sibi parabat.

Hic cum libris exscribendis vellet lacunas supplere, ut colorem restitueret, vires & valetudinem jam affectam penitus perdidit librorum.

Neque hoc satis mali! Cornelius Sylla emtos libros Romam cum exportasset, eorum copiam exscribendorum fecit Tyrannioni graminatio, qui rursus vulnera nova fecit, cum vetera voluit curare. Ita nomen, non scripta *Aristotelis* in vulgus emanavit.

Hæc uno ore fremunt critici tantum omnes, & nos non contradicimus, videant illi, ne quis in historia eorum desideret iudicium.

An vero nulla exscripta vivo Aristotele sint facta? nulla ne Theophrastus quidem fieri sit passus? utrum vero, qui tam longo tempore Lycæo præfuere, ignorarint, penes quos essent monumenta *Aristotelis* & Theophrasti? an non locum novissent, ea in tenebris jacere, æquo tulerint animo? quid? Athenæus nonne Auctor est, Neleum vendidisse libros Ptolomæo Philadelpho, quos hic Bibliothecæ intulerit Alexandrinæ? equidem non possumus sine hæsitazione de fortuna librorum *Aristotelicorum* non dubitare, sicut neque arbitrari, tam fuisse negligentes primos illos Lycæi alumnos, neque tam cacos consecutos alios, qui pro medicis Apelliconis & Tyrannionis manibus, injurias non sint conquesti publice manus. Verum Critici viderint.

- e*) *Diogenes* Icesio patre, mensario, synope in Ponto natus, adolescentiam male egit, reus pecuniæ adulteratæ, sive cum patre profugit, sive cum servo, ut alii de eo produnt, patre in vinculis coniecto, & deinde ob filii crimen interfecto.

Huic Athenis visus est Antisthenes dignus, quem præ omnibus sequeretur; sæpe repudiatus, nec nisi importuna rogatione & patientia futura cynico (qui sibi baculo pati posset comminui ossa) dignissima, tandem receptus, ornatum & rationem cynici mordicus arripuit adeo, ut locum fecerit lepidæ narrationi: & in dolio vixisse, & Alexandrum magnum præ se contempsisse; quod quidem emunctioris nasi critici utrumque in dubium vocant, alii adfirmare tamen non dubitant.

Diu vixerat Athenis Cynicus; unde cum Aeginam navigaret, captus a Scirpalo, duce Pyratum, in Creta venditus est Xeniasi cui prætereunti vendi se velle dixit, eo, quod Domino Xenias egeret, ipse autem *Diogenes* artem sciret liberis imperitandi. Gell. II 18. Et vero: dicitur præcepisse domino, ut sibi servo veluti medico pareret.

Xenias miratus ingenium & virtutem *Diogenis* non modo pileum sumere jubet, sed etiam ei filios instituendos committit, reique dat curam familiaris.

Dioge-



Corinthei ætatis suæ nonagesimo anno vita functus, quo Alexander Babilonæ obiit; Antisthene, cujus discipulum egerat magis Cynicus. Huic in dolio sedenti adjacet canis, proprium illud cynicis symbolum.

3^{to}. Is, qui (super globo terraqueo acclinatus) & fata hominum continuo deflens videtur, est HERACLITUS EPHESIUS *f*) qui evocatus a Dario in Persidem, ire neglexit; nihil esse ratus Philosophis cum magnis principibus commercii.

4^{to}. Heraclito pictura jungitur Phantias Lesbios, omnium criticaster, & ille centum & novem annos provectus DEMOCRITUS; *g*) posterior quidem dignus diu vivere, qui nugæ hominum seu negotia risu potius, quam sollicitudine digna judicasset.

5^{to}.

Diogenes heriles filios instituit atque erudit ad virtutem prope cynicam, bona vero ita curavit, ut *Xeniades* sæpe diceret, bonis avibus ingressum fuisse domum *Diogenem*. Hic in frequentissimo Graciæ Emporio multos mortales ad virtutem inflammabat, degere solitus in craneo, quod erat gymnasium prope Corinthum; sepultus juxta Corynti portam, quæ via est in Isthmum, tunuloque imposita columna marmorea cum cane, illo cynicis proprio symbolo.

f) *Heracritus*, non dicam Philosophos, sed ne cives quidem deditos voluptati ferebat. *Ephesi Blyfione* natus adolescens ingeniosus, cum habuisset magistros *Xenophanem* & *Hippasum*, in disciplinæ formulam eorum decreta transtulit.

Auctor nobis est *Proclus*: in atlanticum montem iter suscepisse *Heracritum*, qui reversus in patriam ægerrime passus, *Ephesios* igni & aqua interdixisse *Hermodoro* suo, Viro juris legumque consultissimo, ipsorum noluit uti beneficio, cum regnum, summum scilicet magistratum, sibi deferrent.

Morbum in solitudine contraxit; redditus *Ephesum*, medicinæ causa periit, cum annos vixisset sexaginta, in foro sepultus.

Fletum nihilominus *Heracriti* assiduum, quoties in publicum prodiret, ab antiquis bene multis memoriæ proditum, ridet *Lucianus*, cui quidem omnes ludibrium debere philosophi; ridet etiam *Juvenalis*.

Obscuritatis in ejus libris obversantis causa, tenebrosus a veteribus nuncupatus, libros neque grammaticis neque philosophis satis intellectos, *Euripides* ab adytis *Dianæ* extractos enarrabat. Quos vero non tulisset vivus *Heracritus*, hostis hominum, discipulos, eos habuit mortuus *heracritas*, posteaquam in manus ejus scripta pervenire.

g) *Democritus* *Abderæ* in *Thracia* natus, patre *Hegesistrato*, nihilominus nobili, quam opulento & copioso. Inflammatus amore sapientiæ, cujus primam institutionem acceperat *Democritus* ab iis magis, qui comites *Xerxis* in *Thraciam* venerant, amplissimo viatico instru-



5^{to}. Ambobus his viris Philosophis adjectum symbolum Stryx, dubium & obscurum morum meliorum indicium significans.

instructus, facile ægyptios primo sacerdotes, deinde Aethiopes gymnosophistas, post magos babylonios, postremo adiit Indos philosophos.

Anaxogoram *Democriti* magistrum fuisse; dubitatur; Socratem tamen ab eo Athenis visum, est verosimilius; Arimnestus, vel Philolaus *Democriti* magister venditatur; Leucipus quod fuerit, constat.

Redeuntem *Democritum*, pecuniæ inanem, sapientiæ vero divitem, domi benigne suscepit Damasis frater. Hic populo recitavit optimum librorum suorum, Diacosmum magnum, cujus prælectione magnam pecuniæ summam corrogarat.

Prædictiones valde Abderitis commendaverat, non tam quod ille Vates, quam quod ipsi essent Abderitæ, ingenio crassi & stupidi.

Democritus abdebat se monumentis, ubi seclusus dies noctesque scriberet, quo tempore dicitur se oculis privasse, ut quam minime a cogitationibus animus abduceretur.

Credas! qui lucem publicam fugeret, & loca quæreret sola *Democritus*, se oculis dictus est privasse?

Sed & de risu *Democriti*, sine quo nunquam in publico visus fuisset, veremur, ne non satis risum tenere queant Critici; cum facile dabunt: populares sæpe a *Democrito* homine petulante splene cachinno irrisos fuisse.

Borrichius fecit *Democritum* insignem Chemicum, quasi hoc restaret unum, ut irrisor esset *Democritus*, omnino deridiculus.

Nimia ornata oratio in epistolis, quibus Abderitæ vocant Hypocratem, qui medicinam faciat furioso *Democrito*, pro fabulis habetur a multis. Ad hæc, inter magos non sine colore veri numeratus est a Plinio *Democritus*. Verum enimvero a multis non modo doctrina *Democriti*, quæ infinita scripta peperit, quorum nullum non habetur suspectum, & accusatum τῆς ποδείας, sed etiam vita laudatur.

Morti proximus, ne luctu vel posset ejus soror vel cerealia vel thesmophoria obire, vitam dies aliquot adinovoando naribus pane calido protraxit. Leucippi physiologiam retractavit *Democritus*, limæ amicissimus, qui senex recognovisse scripta sua dicitur.



CONSPEC-



CONSPECTUS VI.

Istius hucusque philosophiæ femini forte principale & solidioris sapientiæ scientiæque impedimentum fuerit avaritia, fuerit auri sacra fames, forte denique omnibus tessera : *O cives, cives ! quærenda pecunia primum est !* Vel ex hac ratione recte

- 1^{mo}. Fortissimo omnium Cynicorum CRATETI *b)* hic locum ars dedit, qui Thebis patre Alcondo nobili & opulento natus, ad Diogenem relictis possessionibus paternis, sive in mare pecunia projecta, ut hic videtur, seu ad mensarios deposita (quia non constans de hoc traditio est apud scriptores) se contulit, gibbosus, incurvus, deformis, philosophiæ natus cynicæ, inimicus verecundiæ & pudoris.
- 2^{do}. Aurorascentem diem, portus, aut potius mare ipsum signa indicare voluit in arte Magister : doctrinam a Cratete hominibus ostensam, a Metroclo, Lymphato, Menedemo, Menippo & aliis propagatam, præcocem, & sine fundo fuisse, soli que maturiori ætati, luce non sola naturali, sed divina exequutioni dandam esse.

CONSPECTUS VII.

Chaos illud vagantium opinionum, & doctrinarum inter se omnino pugnantium, a tot tantisque viris in vulgus sparsarum necessario instinctum naturalem quasi e somno excitare, & intellectum humanum ad utiliora
potius

b) Crates gloriam doctus spernere, patientia tanta in rebus duris, ut flagris cæsus, pedibus tractus, jocaretur & rideret.

Primus omnium cynicorum uxorem duxit Hyparchiam ortam ex urbe Thraciæ Marona, quæ tanto cynicum amore deperibat virgo, ut vel mori, vel nubere Crateti, ipsam etiam dehortanti, vellet.



potius, generique humano magis proficua quærenda, impellere debuit. Vel ideo parte fornicis ex altera ab Adamo, cujus situm sub exordium recensuimus.

1^{mo}. AEGYPTUS *i*) illa antiqua, terra illa tot non modo virorum, magni profecto

i) Plurane monstra *Aegyptus* ipsa, quorum ferax esse dicitur, præ aliis regionibus, an antiqua *Aegyptiorum* historia procrearit, quisque omnino secum ipso deliberet. Cum enim vix ac ne vix quidem ulla fuerit alia natio, de ejus rebus plura in dies singulos ab infinito prope tempore sint ab eruditis hominibus scripta, qui si recensendi essent omnes, charta profecto deficeret. Tamen nulla certe est, de qua plura, aut magis fabulosa, aut incerta magis dicantur. Quod præjudicium ante Christophorum Celarium fecerat & Herodotus, qui res omnes *Aegypti* dubias ante commercium *ægyptiorum* cum græcis pronunciavit; & Diodorus siculus, qui diserte confirmat, illum ipsum Herodotum, non nullosque rerum *ægyptiarum* scriptores *portenta narrationum fabulasque fuisse complexos*.

Et tamen tam valde polyhistoras invasit *ægyptiarum* rerum cupido, tam valde in ista historia eruenda componendaque ex Manenthone, Affricano, Syncello, aliisque male luxatis scriptoribus infudatum est, ut in ea viri eruditi lapidem quendam historicum & vel, si mavis, lapide illo famoso philosophico multo pretiosiore, sibi esse polliciti videantur. Sed hujus rei causam, in nobilitate *ægyptiorum* antiquissimorum sitam esse, existimandum est.

Ut enim nihil de imperio dicamus, deque Dinastis illis antiquissimis *ægyptiorum*, quæ res una solet maximam facere nobilitatem; summa tamen semper fuit opinio de *Ægypti* sapientia, quam ex antiquis prope omnibus scriptoribus accepimus, quamque peregrinationibus eruditis in *Ægyptum* Plato, alique veterum contestati fuere.

Inter principes *ægyptiæ* sapientiæ auctores habetur antiquissimus Mercurius, quem ut scribit Eusebius, phœnices *Tant*, Alexandrini *Thoot*, alii *Theut*, alii *Thoyt*, Græci *Hermetem*, Latini *Mercurium* appellayerunt.

Hæc super re si velis Lector *fabulas*, consule Liliū, Gyraldum; si *historiam* desideras, audi Tullium & Diodorum.

Tullius hæc habet: Mercurius quartus Nilo patre natus, quem *Ægypti* nefas habent nominare; quintus, quem colunt phœnæta; qui Argum dicitur interemisisse, ob eamque causam in *Ægyptum* profugisse, atque *Ægyptiis* leges & literas tradidisse hunc *Ægyptii* *Thoyt* appellant.

Diodorus vero ita scribit; Osirim cum Mercurio omnia communicasse, ejusque consilio maxime usum fuisse, illumque in honore ante omnes habuisse, cum esset perspicacis ingenii in excogitandis vitæ humanæ commodis. Pèrgit porro atque recenset, quas Mercurius artes invenerit: loquelam articulatim distinxisse, literas invenisse, rebus multis anonymis nomen imposuisse, religionem Deorum constituisse, ordinem astrorum & naturas observasse, palæstram aleamque induxisse.

Mercu-



fecto nominis, genitrix, sed etiam artium utilissimarum productrix exhibetur.

2^{do}.

Mercurium itaque seniore patriam fuisse ægyptium, ætate antiquissimum, religione suorum civium, unum fortasse Deorum, magistratu scribam vel Saturni vel Osiridis; omnes artes invenisse, maxime literas hieroglyphicas; si quid licet, non omnino temere de Mercurio sentire, hic ita placet, non tamen iis assentiri, qui ex quovis ligno, quod ajunt, sibi Mercurium faciunt; alii ex Henoch; alii ex Aegypti prorege Josepho; ex Canaano alii, alii ex Moyse denique.

Restitutorem nihilominus alterum Mercurium doctrinæ apud Ægyptios fuisse, Moyse juniorem, nobis narrat, testaturque, quamvis græca fide, Manetho: ex stellis in terra sendiaca positis, sacra dialecto, & hieroglyphicis literis a Toth Mercurio primo exaratis, secundus Mercurius Agathodæmonis filius, Tati pater, ex sacra illa lingua transtulit, literis hieroglyphicis in libros, quos in adytis templorum Ægyptiorum reposuit; cujus sententiæ omnino difficulter adhæreri potest.

Propagatores tamen sapientiæ institutos ab altero Mercurio sacerdotes, prophetas, hierophantas, quibus nominibus communiter appellantur, non dubitamus. Qui singulorum officia ordinum scire voluerit, operæ pretium faciet, si exponentem ista pluribus, Clementem Alexandrinum legerit; nos his prætermisiss de doctrina Ægyptiorum sacerdotum pauca fieri cogimur.

Hi legislatores, philosophiæ prædicatores, cœlestium rerum observatores, in speculationibus arithmeticis, geometricisque occupati, semper in experimentis versati fuisse dicuntur; artes vero omnes illos fuisse profectos, testis est omnis antiquitas: Justinus enim scribit: Astronomiam & geometriam apud Ægyptios habitas fuisse doctrinas vulgares & humiles, in honore autem ac pretio fuisse, quæ vocantur literæ hieroglyphicæ. Hoc ipsum testatur Hieronymus: Sacerdotes ægyptios rerum naturalium causas & rationes siderum fuisse contemplatos. Hinc ex antiquis vix est, quin ad astra ferat ægyptiam sapientiam, quam tamen Hermannus Coringius deprimere conatus est libro, quem fecit de *Hermetica Ægyptiorum medicina*.

Itaque non geometriam, non astronomiam, non musicam desiderarunt, non medicinam canente Apolline Ovidiano:

Inventum medicina meum est, spiserque per orbem

Dicor, & herbarum subjecta potentia nobis...

non Astrologiam, illam etiam judicariam, non denique magiam, ac veneficia.

Sacræ tamen doctrinæ disciplina non una erat; aliam alia collegia, per totam Ægyptum dispersa, sententiam sequebantur; quod, & tradit Herodotus, & Plutarchus de Iside & Osiride adductis multis, multumque discrepantibus Ægyptiorum veterum interpretationibus, ostendit, & Juvenalis satyricè notat.

Denique non una videtur semper fuisse facies sapientiæ inter ægyptios sacerdotes, qui primis temporibus magiam atque idololatriam, rege deinde Cambyse, Chaldæorum Theologiam, rerum potito Alexandro, Græcorum sapientiam comprobavere.



2do. In SPHYNGE *k*) seu termino, a quò ad quem meditatio instituenda est.
 Spyngis autem illa imago, quam cernis, nihil est aliud, quam Nili sub
 exor-

Præterea duplex erat Theologia, popularis & arcana; altera quam fœda fuerit, nemo non didicit, qui vel nomine Tullium, Tertulianum, Suetonium, Eusebium Pamphilium, Juvenalem, cognoverit.

Quis nescit, Volusi Bithinice, qualia demens

Aegyptus portenta colat? — — —

Altera autem tota erat impia, tollebat Deos, præter vulgo dictos planetas. Non statuebat corporis expertem aliquem hujus universi Architectum; diffundeat per totam universi molem Deum Osirim, tanquam mundi animam; — Isin Deam, veluti materiam Osiridi substernebat, unde illæ dux natæ sunt inscriptiones:

TE. TIBI.

UNA. QUAE.

ES. OMNIA.

DEA. ISIS.

AERRIUS. BACBINUS. v. c.

Et quæ in templo Saidis est reperta:

EGO. SUM. OMNE. QUOD. EXISTIT. ET. MEUM. PEPLUM. NEMO. ADHUC. MORTALIUM. DETEXIT.

Ut autem methodum scribendi ægyptiacam epistolographicam, hieraticam, symbolicam, allegoricam, ænigmaticam omittamus, pauca de libris dicamus.

Hermeti juniore magna librorum plaustra sunt supposita, de cujus monstroso numero neque cum iis sentiendum, qui singula folia papyri singulos libros accipiunt; ut nec cum iis, qui singulos versus volumina faciunt; sed potius cum Jamblichio tenendum, scribente: *Nostri majores suæ sapientiæ inventa illi dedicabant, omnia propria commentaria Mercurii nomine inscribentes.*

Unde tanta librorum Hermeticorum multitudo vel in solidum est a Platonice philosophis conficta, vel servatis nonnullis Hermetis sententiis parta; quod judicium maximi fit etiam de Poemandro, de Asclepio, de Jatromathematicis.

Horus Apollo, qui hodie circumfertur, Aegyptiorum Deus, libellus est de hieroglyphicis Aegyptiorum, quem græcum fecit Philippus quidam. Horus Apollo Fabricio est Horapollon grammaticus Phænebytides memoratus Quidæ, mirum si non sit partus Platoniorum, magno & antiquo nomini subditus.

Hechelaus & Palæphatus sæpe citantur scriptores de Aegyptiorum philosophia, qui unum nomen posteris reliquerunt, scripta enim desiderantur.

Habemus Jamblichum de mysteriis Aegyptiorum; habemus de mystica Aegyptiorum sapientia librum Aristoteli tributum, qui tamen Aristotelis non est.

Hæc propterea de nobili scientiæ fama Aegypti fusius diximus, quod pauci sint, qui claram ejus habeant ideam.

k) *Sphinx* apud Aegyptios ita celebris, tantæque famæ fuit, ut eidem honores divinos, templis exstructis, colossisque erectis, deferre non dubitarint.



exortum heliacum Syrii exundantis & Aegyptum, ductis undique canali-
bus, fructificantis, symbolum. Hinc etiam

- 3^{to}. AESCULAPIUM *l)* Apollinis filium in arte medendi principem, e serpen-
tibus baculo sibi implexis cognoscito; post *Aesculapium*
4^{to}. HYPOCRATEM, qui multum diversimodis peregrinationibus susceptis ex-
pertus, & scientia amplissima sibi comparata, atque Medica in ordinem
certasque ad leges redacta, palmam decessoribus eripuit, sed &
5^{to}. GALENUM his junctum, qui Hypocratem sibi Magistrum assumserat, prio-
rum socium contemplari non omitte; is enim Magistri sui doctrinam
vigiliis suis diurnis nocturnisque plurimum auxit, propagavitque.

Ultra passum facito Bibliophile, num & verumne historia nobis ad-
ministraverit fundamentum in hanc abeundi sententiam, quam sequente
conspectu ferimus, judicato.

CONSPECTUS VIII.

Emolumenti certe plurimum in totum genus hominum derivatum est
per eos, qui ob præclara in administranda republica tam jacta fun-
damenta, quam leges introductas, apud nos etiam celebrantur. Hinc
intuere

- 1^{mo}. Politicorum philosophorum facile omnium principem LYCURGUM, *m)* qui
eam Spartanis disciplinam, vitæque tradidit rationem, quam nunquam an-
tiqui laudavere satis. Tandem

2^{do}.

l) *Aesculapii* scripta toties interitura, cura multa ab Athemidoro & Dioscoride postea col-
lecta, servata, & ad nostra usque tempora translata sunt.

m) *Lycurgus* dicitur audivisse Theologum antiquissimum Thaletem Cretensem, alium a
Thalete Milesio; dicitur leges Ægyptiorum atque Cretensium in suis effinxisse; dicitur
nihil, quod ipse non præstitisset, ab aliis lege sua exegisse; quæ tanta bona corrumpit
tamen, vel quod auctorem suorum oraculorum finxerit Apollinem, vel quod leges in
tabulas publicas non retulerit, sed fidei tutelæque magistratus, exemplum scilicet anti-
quissimum arcani imperii, commiserit; vel quod immanis cujusdam fortitudinis dunta-
xat rationem habuerit.



2^{do}. SOLONEM *n*) civem Atheniensem, patria Salaminum nobilissimo genere natum, qui mercaturam non doctrinæ minus, quam pecuniæ quærendæ causa fecit, quod ejus pater Execestides eam nimia liberalitate decoxisset, nihilominus rempublicam Atheniensem etiam per insaniam præclare gessit. Denique

3^{tio}. PYTHAGORAM *o*) cui, ceu quadrantalium aliarumve mathematicarum verita-

n) Solon enim, insanum cum simulasset, ut pro concione elegos suos sibi impune recitare liceret, ex suggestu præconis populo pervasit, ut bello Salaminam repeterent; de qua recuperanda, si quis verba faceret, re sæpe male gesta, capitale facinus Atheniensium lege erat. Archon creatus anno 3. Olymp. 46. totum civitatis statum ita mutavit, ut optime rempublicam constitueret iis legibus, quas inclytas T. Livius appellavit. Atque ita novis Athenis introductis tabulis & tenuiorum providens inopiæ, addidit & tum quasi fenatum duplicem, unum nempe Areopagum (legum jurisque custodem) & alterum, e quatuor tribubus conflatum, qui populum regeret, neque hunc omnia temere suscipere pateretur. Quæ sanctissime instituta in deterrimam reipublicæ formam, hoc est: democratiam, degenerarunt. Obiit in insula Cipro Octogenarius; ossa ejus fuisse cremata, & sparsos esse cineres per insulam Salaminam, putat fabulosum Plutarchus, quod tamen ab Aristotele traditum est. Et licet Solon aliquorum sententia male audierit, hoc tamen nemo inficias ibit, Solonem patronum doctarum mentium eruditam peregrinationem in Ægyptum suscepisse, ad reliquos Græciæ sapientes invisisse, & sententias quasdam carmine conscripisse, ut *respice finem, sequere ducem rationem*.

o) Patria Pythagoram Samium, ita enim ajunt plurimi, quanvis negent, qui illum Tyrrenum, qui Phliasium, qui Metapontinum, qui Tyrium, qui Judæum; qui denique faciunt Etruscum. Cujus pater Mnesarchus fuit Samius. De patria Mnesarchi, de nomine, de genere vitæ, infinitæ sunt dissensiones.

Jam ortus Pythagoræ quam monstro similis! Intervenit oraculum Apollinis, quo mater imposterum pro Parthenide vocetur Pythais, quæ non ab alio, quam ab ipso gravida credatur Apolline. At de tempore ortus litigarunt Britanni tres Bentejus, Loideus, Dodvellus; utinam de die, deque hora diei subtiliter quoque rationes subduxissent, quasi vero in eo scilicet versaretur philosophiæ salus.

At institutionem, & studia & peregrinationes Pythagoræ, si quis constanter explicet, profecto magnus futurus Apollo.

Sidone, quo Mnesarchus negotiator cum Parthenide venerat, natum Pythagoram vult Bruckerus. Puer reversus in insulam Samum fit a nonnullis pugil famius comatus, ab aliis vero discipulus primum Hermodamanti Creophilo civi samio, deinde Pherecydi ex insula Syro. Annos octodecim natus ad Pherecydem, inde ad Anaximandrum, inde se ad Thaletam contulit. Hic quæ lites! Jamblichum vide, qui inde Pythagoram mittit in Phœniciam ad Moschi posteros, physicos insignes, qui hominem omnibus mysteriis initia-



ritatum inventori, super Cubo confidenti conus vicinus est, conspice, qui ita præsenteretur sedens, ut manu flammam, huc illucve agitatam, tenens,

initiatum ostendit. At Joan. Clericus, ex ista reformata disciplina criticus, præcludit omnem in orientem aditum *Pythagoræ*. — Phœnicie peregrinationis occasione alius dat *Pythagoræ* magistros Thraces, alius Judæos, quorum fiat profelytus, alius denique *Pythagoram* in Carmelo moratum, carmelitanæ familiæ socium adjungit. Nos his missis, sequimur peregrinationem philosophorum.

Pythagoras dum e Phœnicia in Ægyptum trajicit, a nautis pro Deo quodam habitus, Amasi regi, doctarum frontium e Græcia potissimum amico, literas a Polycrate reddit. Amasis hospitem commendat sacerdotibus ægyptiis, quorum literis annis supra viginti duobus aversefactus, præteriti ævi sacerdotum commentarios scrutatus, innumerabilium sæculorum observationes cognoscit. Rursus dat se in viam.

Ab Ægypto ad Persas profectus *magorum exactissime prudentiæ se formandum tradidit*. Atque hoc iter orientale uno ore antiqui meminere, quibus omnibus tamen Bruckerus temeritatis notam inurit, quasi non bene subductis rationibus temporum fabulæ assensu fuissent. Hoc omnino citius confitendum: non esse satis res *Pythagoræ* divisas temporibus suis, quam ut testes omnes antiquitatis pro duobus tribusve habeantur cum Bruckero, qui negat *Pythagoram* Babylone audivisse Zaratum, neque Nazaratum, neque Ezechielem, neque Danielelem, neque Judæum aliquem. Sed sequamur jam *Pythagoram* ad Garamantas & Indos, quas ultimas lustrasse terras philosophiæ causa, habetur memoriæ proditum. Eundem in Galliam ad Druidas venisse, minus est probata opinio, eaque vix paucis testibus confirmata!

In patriam reversus ibi in maxima doctrinæ admiratione fuit, quam per ænigmata ægyptia traditam, non ita coluere Samii. Rursus ut omnibus Græciæ superstitionis mysteriis initiatus suis esset venerationi, invisit ex ordine sacerdotes Delios, Delphicos, Cretenses, Epimenidem fabiloquum etiam, cui non erat valde dissimilis *Pythagoras* vitæ ratione. Spectandum se præbuit Græciæ in ludis Olympiis, rogatusque quam artem profiteretur, abrogato superbo cognomine sapientis, se non σοφον appellavit, sed philosophum, id est sapientiæ cultorem. Hic spectatus satis domum rediit, scholam in oppido aperuit; celebratum deinceps illud *Pythagoræ* Hemycicium, quo de republica consulturi Samii, congregarentur. Minois vero, aliorumque veterum legislatorum exemplo extra urbem antrum sibi delegit, ubi cum amicis de rebus disputaret, philosophicis, bonam diei noctisque partem.

Infvetus autem domi vivere in Italiam navigavit; cujus novi itineris causa alia ab aliis assignatur. Crotonem delatus, unam e civitatibus græcis, quæ civitas fama peregrinatoris philosophi commota in occursum *Pythagoræ*, benevolentiamque effusa est. Auctoritatem, homini philosophiæ exoticæ laude nobilissimo, conciones habitæ Crotonæ ad omnes ordines, quos ad virtutem hortaretur, mirum in modum auxere.

Homini porro forma ita venusta, ut Apollo haberetur; in oculis & ore summa quædam majestas, barba promissa mento præpendebat; veste candida coronaque aurea uteba-



nens, doctrinæ transmigrationis animarum abs se traditæ, signum præbeat. Quod admirans quidam, atque, quid rei sit, intelligens, territusque, fugam subito arripiens effigiatur.

CONSPEC-

utebatur; a lana omnino abstinebat; cæna sine sanguine & fumo; olera victus quotidianus; vinum sæpe nullum.

Nihil unquam in vita contra decorum dicitur egisse; quibus omnibus cum calumnias religionis adderet, cum se ab specu egressum, ubi cum degeret, mortuus fuisset habitus, ab inferis reducem mentiretur, cum aureum se femur gestare prædicaret, cum mille fallendi artes, nomina mille adjecisset, velut e cælo delapsus habitus est.

Integram domi habuit familiam philosophicam. Theatro fidiissima *Pythagoræ* conjux, aliis cressa, aliis crotonensis, ita in philosophicis versata, ut mortuo marito scholam rexit, etiam libros plures scripserit.

Peperit *Pythagoræ* Telagem, Mnesarchum, & Arimnestum filios, Saram, Myram, Angnotem filias, quibus adjungitur Damo, incertum an mas, an foemina? quæ domus omnis philosophata est. Servum præterea Astracum alebat philosophum. Zamolxim illi erripit Herodotus non assensus fidei græcæ. Post tantam tamque laboriose navatam philosophiæ operam *Pythagoram* in seditione quadam interfectum narrant, at suo quisque arbitrio. Crotoniatæ mortui ædes dicavere Cereri; per ejus nomen soliti sectatores jurare; statua illi Romæ posita. Moriens secum ad inferos traxit complures discipulos in seditione una confectos.

Multa jam de *Pythagora*, & tamen nondum omnia diximus. Igitur quo pacto discipulos suos, quos vita, non lingua volebat philosophos, erudierit, breviter ut dicamus, necesse est.

In universum discipulos ille vel internos & familiares, vel externos habebat & plebejos. Nam alterum genus erat turba popularis, apud quam de virtute conciones habebat; alterum sibi legerat genus impensa cura discipulorum sociorum, amicorum, quibus per gradus, ordinesque quosdam statutos, arcana sua committeret. Ac primum omnium quisquis societatem pythagoricam peteret, in ingenium petitoris, in mores, in vitam inquirebat fastidiosius, quem sæpe repudiabat; at quem se dignum duceret *Pythagoras*, in numerum suorum familiarium, quos vocabat *κονοβιοι* voce christianis deinceps recepta, cooptabat. Horum vero familiarium duplex erat ratio; nam recens in cænobium receptos vocabat *ακροτικοι*, exotericos pythagoristas; qui nondum sacris pythagoricis initiati duo illa verba loqui possent, *ipse dixit*. Qui vero res didicerant rerum omnium difficillimas, tacere, — audireque, hi dicebantur eo tempore *μαθηματικοι* essoterici & pythagorici; quos omnes ad bonorum communionem adigebat.

Exercitationes porro acusticis propriæ erant hæ: primo ut moderate discerent, graviterque loqui *εχεμυδιον* imperabat, hoc est: *certum tempus tacere, non omnes idem, sed aliis aliud tempus pro æstimato captu solertia*. Deinde novitii illi philosophi, non audire coram, sed interposito velo docentem *Pythagoram* solebant; ac ne audire quidem persæpe licebat, cum ab uno aliquo Essotericorum loco *Pythagoræ* erudirentur. Tum

neque



CONSPECTUS IX.

Nunc videamus, quæ porro forma regiminis incrementa susceperit, quæve emolumenta in humanum genus tum derivata sint maxime, cum sapientes viri tot tantique operam suam in ea perficienda collocaverunt. Isthic

1^{mo}. CLEOBULUS ipse unus e Sapientibus Rhodius genere, Lyndius patria tam nobilis, ut herculeo genere ortus esset; tam dives, ut Lyndiorum esset Dynasta, tam cupidus sapientiæ, ut ejus causa in Ægyptum navigarit; tam denique peritus ægyptiacæ doctrinæ, ut gryphos, seu ænigmata conscripserit. Cleobuli filia

2^{do}. EUMETIDES seu Cleobulina recte inter philosophatrices fœminas a Menagio numerata. Fœmina a natura quam studio, non similior patri, ænigmatis solvendis, carminibus sapientiæ maxime dedita, hic, ut res ipsius postulabat, præclare omnino picta conspicitur. 3^{tio}.

neque percontari, si parum intellexerat, neque commentari, quæ audierat, fas erat novo Candidato.

Sed ad illud, notum jam omnibus, axioma *αυτος εφρ*. Hos jubebat in mensa dubia & saliare pythagoreos oculos pascere, manum abstinere; eosdem & somno brevi, & veste corporis vili, & durissimis ærumnis ac contemptu diu macerabat. At qui benigne saltem tacuissent, hi omnes genuini convictores, & mathematici & familiares fortasse etiam *Viri* appellati, coram videbant & audiebant *Pythagoram*. Quibus verba facere potestas erat, ex quibus alii dicebantur *Physici* qui de natura differebant; alii *contemplatores* perfecti ac religiosi, qui in diviniore philosophia versabantur; alii *nomothetici*, qui leges civitatibus ferebant; alii *æconomici* & *politici*, qui curatores erant bonorum communium.

Fœminas quoque pythagoreas memorant veteres.

Ultimo doctrinam *Pythagoræ* excutiamus. Hic de moribus aperte præcepisse dicitur, de natura vero dogmata sua ne acusticis quidem, ne quidem alienis aperiebat, apud quos ægyptio more ænigmatis, symbolis, signis omnia obvolvebat, quæ symbola non initiatis: *ridicula, anilia nugisque & gerris* plena, videbantur; initiatis vero pythagoreis, quibus significatio sensusque patebat, profundam philosophiam exhibebant. Non licet autem arcana Pythagoræ dogmata distincte vulgare; nam quæ reliqua sunt illius Societatis commentaria, veluti Penthei membra ab Henrico Stéphano, a Thoma Parkæo, a Jacobo Spondano, a Petro Victorio, qui versuram omnes fecerunt a Stobæo, in unum veluti corpus efficta, non valde videri solent genuina, sed omnino aut majore ex parte supposita a novis post Christum natum Pythagoræis.



3^{to}. Quam vivus studii diligentiaeque suae mercedem sibi THALES MILESIUS p) postulaverat, ut inventor repertorum philosophicorum haberetur, ea illi mortuo iuste est persolvenda, qui graecae philosophiae via ac ratione traditae auctor erat; ab hoc enim profecta philosophia omnis illa, qua se tantopere iactavit Graecia. Huic magna scientiarum ubertas refertur a Plutarcho, ut appareat non physicam solum, sed ethicam quoque scientiam illum habuisse comprehensam. Porro scientiae Ecclipsium primum inventorem docet historia Astronomiae.

4^{to}. Omnisum equidem hic deprehendes ANAXIMANDRUM & ANAXIMENEM; at quartum scholae jonicae magnum Magistrum ANAXAGORAM q) deprehendes, de quo nihil non praeclarum & eximium memoriae proditum est; dignissimus profecto sapientis nomine, qui sapientiam omnibus bonis anteposuit.

5^{to}.

p) *Thales Miletus* in Jonia natus anno I. Olymp. 35. parentibus Examio & Cleobulina, qui civitate domicilioque graeci coloni, gente vero Phoenices erant, ex illustri Thelidarum familia.

Thales admodum juvenis ad rempublicam accessisse fertur, quam recte & ex ordine gessit. Caelibem vitam duxit. Juvenis usus est familiaritate Thrasymbuli, in administranda republica peritissimi. Amore sapientiae ductus in Cretam navigavit, ubi mysteria religionesque nobiles Cretensium, in quibus Cosmogonia, doctrina scilicet naturae latebat, diligentissime cognovit; trajecisse dicitur in Asiam, ubi siderum cognitionem perciperet. Senex in Aegyptum profectus philosophiam a Sacerdotibus memphyticis & mathematicas disciplinas didicisse, testes sunt omnes de eo scriptores. Domum vero regressus, nulla conditione proposita, a studio contemplandi deduci potuit; ut qui sapientiae dulcissimos fructus toties degustasset, a qua ne abduceretur, curam rei familiaris nepoti ex sorore commisit; ipse vero se totum ita literis tradidit, ut in foveam inciderit, cum sidera contemplaretur; ab ancilla ideo irrisus, non videre, quae ante pedes essent, cum vellet sidera pervidere.

q) Natus est *Anaxagoras* Crazomanis Eubulo, sive Hegesibuto patre cum nobili tum opulento. In praeclarissimo adolescentis ingenio tantus illico exstitit ad sapientiam impetus, tanta discendi aviditas, ut commodissima quaeque bona, & incommodissima quaeque mala doctrinae postponeret. Primum enim paternas possessiones reliquit, quo expeditius divinae delectationi toto se dederet animo; cui illustri consilio addidit Graeci dictum illustrius *Anaxagorae* in patriam ab erudita peregrinatione restituti, possessionesque desertas videntis suas: *Non essem, inquit, salvus, nisi ista periissent.* *Anaxagoras* audiit Athenis Solonem, audiit Anaximenem. Multa didicit a muta voce magistrorum Homeri, Hesiodi, Parmenidis, aliorumque Mythologicorum. Sunt etiam non pauci Auctores, *Anaxagoram* didicisse ab Hermetino *mentem rerum omnium artificem*; ita enim scribit Aristoteles. Athe-



- 5^{to}. Thaleti & Anaxagoræ adjunctus est summus ille Geometra ARCHIMEDES;
r) quem cum referimus, apicem quandam humanæ subtilitatis, totiusque mathematicæ disciplinæ absolutionem animo concipimus. Præterea omitti non potuit
- 6^{co}. PLATO, s) cui cæteros inter fructus suos in acceptis refert Metaphysices scientia. Maxime Platoni erat propositum, ut discipulos ad prudentiam civi-

Athenas reversus ibi sive privatim, sive publice philosophiam profiteretur, discipulos habuit præstantissimos. Periclem enim, de cujus discendi copia sic accepimus, *ut cum contra voluntatem Atheniensium loqueretur pro salute patriæ severius, tamen idipsum, quod ille contra populares homines diceret, populare omnibus & jucundum videretur, tantamque in eo vim fuisse, ut in eorum mentibus, qui audissent, quasi aculeos quosdam relinqueret.*

Et hunc eundem Periclem docuerat Dazomenius illi *Anaxagoræ* vir summus in maximarum rerum scientia. Periclis condiscipulos faciunt Euripidem, Sócratem & Themistoclem, ut facile conjectura etiam suspicari liceat, *Anaxagoram* etiam in doctrina civili, in jure, in poesi fuisse peritissimum. Hic igitur *Anaxagoras*, cum triginta annos totos philosophiam Athenis tradidisset, invidia & offensione Sacerdotum abire coactus est.

- r) *Archimedis* admiranda inventa nobis prodidere Polybius, Plutarchus, Tzetez alique; quem maxime servatum volebat Marcellus, Syracusa capta; is enim dum lineas in pulvere describeret, neque satis attendens ad imperium militis, cæsus est. Honorifice quidem ab hostibus sepultus, & quo tantum modo poterat ejus celebrari memoria, celebrata est, sed nunquam satis celebrata tanto homine.

- s) *Plato* natus est in Ægina, quo pater missus erat Olymp. 88. die septimo Targelionis, quem diem habuere deinceps honoratum festumque philosophi.

Patrem habuit Aristonem, matrem vero Perictionem, utrumque nobilissimum. Dicitur est *Plato* a latis humeris, ut non nulli volunt; a parentibus enim Aristocles nominatus est.

Platoni cum in cunis parvulo dormienti, apes in labellis consedissent, responsum est, singulari illum suavitate orationis fore. Quod quidem responsum nonnisi post singularem suavitatem orationis datum a platonice recte suspicari possumus.

Platoni puero acre in percipiendi ingenium erat, labor atque amor studendi. Dionysium litteratorem, Aristonem Argum palæstritam habuit, a quo instrueretur. Operam dedit picturæ, musicæ, poeticæ. At cum præ Homero *Platonem* suorum carminum pœniteret; ea igni dedit. Cum annum ageret vigesimum *Plato*, Socratis facundia commotus se totum philosophiæ dicavit. In forum philosophicum deductus est a patre; qui dum Socratis domum esset cum adolescente ingressus, illico Socrates: *hic inquit, ille erat cygnus de academia cupidinis.* Commodum enim narraverat discipu-



civilem informaret, summam enim quandam civitatis bene temperatæ in maxima ponebat omnium ordinum æquitate.

CON-

lis somnium : Cygni pullum sibi per quietem in gremium advolasse ab ara cupidinis in Academia. Quamvis res tota somnio sit similis, ommitti tamen hic non debuit.

Annos octo singulari & observantia & charitate Socrati dedit operam, cui non defuit in rebus adversis; cujus invidiæ recentis cum bonam partem in se derivasset, Athenis relictis se ad Evclidem Megaras recepit, a quo dialecticam interea audiit. Ad hæc Author est Apulejus : *Platonem primum se ad Pythagoræ disciplinam contulisse; tum ad Theodorum Cyrenas, ut Geometriam disceret, esse profectum; deinde Astrologiam adusque Ægyptum ivisse, ut inde Prophetarum etiam ritus addiceret, & ad Italiam iterum venisse, & Pythagoreos fuisse sectatum.* Multi dant Platoni peregrinatori hæbreos magistros.

Reveniens in patriam scholam aperuit in Academia, suburbano gymnasio, ubi hortos patrios habuit, magno concursu juvenum, studia philosophica æmulantium; quos intererant nobilissimi: Speusippus, Xenocrates, Aristoteles, Diosyracusanus, Hyperides, Lycurgus, Demosthenes, Isocrates; discipulas vero habuit: Axiotheamphliasiam, & Lastheniem mantineam; qui mos deinde obtinuit in schola platonica erudiendarum faminarum.

Erat autem *Platonis* maxime propositum, ut discipulos ad prudentiam civilem informaret; qua de causa de republica multa scripserat. Rogatus a Thebanis & Arcadibus, vellet legibus earum rempublicam constituere; cum de æquitate statuenda desperaret, ad eos non accessit; Aristonymum familiarem misit; at re incassa tamen Syracusios, Magnesianos, Eleosque legibus suis juxit in civitate constituenda.

Tacemus hoc loco de prima *Platonis* in Siciliam navigatione, illi omnino perniciofa; præterimus & alteram mali equidem exitus, uti & tertium in Siciliam iter adversum *Platonem*. Si nihilominus in his navigationibus rempublicam platoniam non condidit, illud tamen affecutus est, ut Syracusas tyrannide liberaret.

In Academiam sibi, musisque suis ille restitutus in juventute ad philosophiam recte informandam vitæ tempus reliquum consumpsit. Anno ætatis 81. vel in convivio, vel in museo placide animam reddidit.

Celebs qui vixerat non filios testamento hæredes, sed Adimantum reliquit, sepultus non procul ab Academia. Divini honores habiti mortuo, statua & ara positæ. Effigies insculpta nummis; natalis dies consecratus; a nonnullis etiam christianis in beatorum sedes vocatus. Moriens Speusippum dedit Academiae magistrum. Multa & præclare scripta reliquit posteris vir magnus, excellenti animo, ac virtute.





CONSPECTUS X.

Porro penicillum libeat profequi *Maulbertschii* Apellis, qui cum jacta virtutis & vitiorum fundamenta symbola in diversis, nominatissimisque virorum effigiebus prius exhibuisset, nunc quomodo animum, humanumque cor, ut & illud melius habeat, fiatque ille liberalior, adumbraverit, filo historico continuatim insistens, tantisper spectata. Et quidem

1^{mo}. Magnum illud Philosophorum lumen SOCRATEM, *t*) qui bellicosos Græcorum mores sua sapientia & virtutibus emollivit, tabula sistit videri talem, qualem historia posteritati reliquerat; quomodo nempe recte factorum vitæ totius curriculo fretus conscientia, fatale illud sibi porrectum cicutæ poculum absque tergiversatione tranquille, ne dicam avidè ebibat, venturi post mortem status melioris non vana spe suis, quos inter Xantippe morosa & jurgiosa illius uxor prope carcerem stat, relicta, an plane tradita. Quod

2^{do}.

t) *Socrates* princeps ille philosophiæ, cujus multiplex ratio disputandi, rerumque varietas, & ingenii magnitudo, Platonis memoria & literis consecrata, plura genera effecit confidentium philosophorum. Primus philosophiam devocavit de cælo, & in urbibus collocavit, & in domos etiam introduxit, & coegit de vita & moribus rebusque bonis & malis quærere. Hæc una Tullii de Socrate magnifica testificatio, rationem causamque habet. Quamobrem *Socrates*, velut quidam philosophorum græcorum Deus, qui de vita, de salute, de innocentia, de probitate, de omnibus virtutibus esset optime meritus, haberetur.

Socrates civitate erat Atheniensis, pago Alopacensis, natus Sophronisco patre, matre vero Phænareta, die sexto Targellonis anno IV. Olymp. LXXVII.

Socratis pater lapidarius erat, mater obstetrix, natalis dies fuit deinde festus omnibus philosophis usque ad ætatem Plotini.

Paternam artem doctus *Socrates*, statuarium opus fecisse dicitur; opificio vero, quantum poterat, tempus suffuratus, philosophiæ dicabat. Deinde Critonis liberalitate & beneficio usus, optimis quibusvis id temporis doctoribus, qui Athenis mercatum agere inciperent, doctrinæ operam dedit. In geometricis Theodorum, in poeticis Euenium, in musicis juvenis quidem Damonem, senex vero Lampsonem, in rhetoricis Prodicum Sophistam audiit. Duabus etiam feminis se discipulum dedit Diotinæ & Aspasiæ eruditionis & eloquentiæ, quam pudicitiz laude clarioribus. Philosophiæ magistrum



2^{do}. Monumento a carcere Socratis aliquantum remotiori significatur, est profecto sana illa videlicet doctrina: a morte cuilibet hominum vel virtutis

habuit Anaxagoram; hoc exule Archelaum, cui ita ingenium & studium, & mores probavit, ut charissimum haberet *Socratem* Archelaus, comitem etiam in eo itinere, cum Samum, Pythonem atque Isthmum adiit. Is philosophus erat *Socrates*, qui vita potius, quam sermone philosophiam metiretur suam, quia tum intra arma, quam etiam intra domesticos parietes philosophabatur; nam stare solitus, *pertinaci statu perdius atque pernox*; stetit ad Potidaeam a summo lucis ortu ad solem alterum orientem, inconvivens, immobilis, iisdem in vestigiis, & ore atque oculis eundem in locum directis, cogitabundus, tanquam quodam secessu mentis atque animi facto a corpore; illud deerat, ut stans pede in uno Indorum more philosopharetur.

Domi autem optimus erat paterfamilias *Socrates*, malum necessarium; unde plus sibi boni esset persuasus, uxorem Xantippe accepit. Quæ autem ferret a Xantippe jurgia, ea utramque apud antiquos faciunt paginam, viris modernis scitu superfluum. Nos insignem propterea animi moderationem *Socrati* sublatam nolumus; quæ in ipsa Xantippe prædicare solita erat, eodem vultu semper se vidisse exeuntem domo, & revertentem.

Ergo mulier morosa & jurgiosa viri cum acueret virtutem, *Socratem* virum civemque bonum faciebat; erat enim adeo religiosus, ut sine Deorum consilio nihil ageret. Eximium autem *Socratis* munus & velat insignis nota quidam Genius erat, qui *Socrati* præfuisse ab omnibus antiquis dicitur, qui tamen cujusmodi esset, a nemine probabili argumento asseritur. Quæ officia Genius præstaret *Socrati*, huc omnia redeunt: Lumen rebus obscuris, & quas non assequatur humana prudentia, genium *Socrati* accendisse, hæc faceret, illa omitteret præcepisse; quæ genio assensus exequeretur *Socrates*, ei bene evenisse, a genio suo nunquam delusum fuisse.

Ad doctrinam *Socratis* non inviti genio, sed relicto tamen veniamus. Hanc fuisse pertenuem Porphyrius cavillabatur; cum alii omnes, maxime vero Tullius, summam fuisse scripserint. Tantæ *Socratis*, tamque laudatæ Diis hominibusque plaudentibus sapientiæ non notus ille Sophistarum fastus inerat; non argutis cavillis, non magnificis de naturâ disputationibus, non aperta schola, non pacta mercede; non e cathedra eminentiore, non quæsitæ sermonis gravitate philosophabatur. Quam vero civilis disputandi ratio, quam abhorrens ab illa Sophistarum superbia, ab hac etiam orationis arduitate & jejuna anima, quæ hodie multis in ore philosophis est! *Socrates* usus faceta & eleganti ironia, de se ipso detrahens in disputatione, plus tribuebat illis, quos volebat refellere, quosque propterea veluti ipse victus propriis verbis convincebat. Adhibebat etiam inductionem, populare sane disputandi genus. Inductio enim, secundum Quintilianum, est oratio, quæ rebus non dubiis captat assensionem ejus, quicum instituta est; quibus assensionibus facit, ut illi dubia quedam res propter similitudinem earum rerum, quibus assensit, probetur. Atque hæc doctrinæ, & solida & popularis tradendæ ratio, populum *Socrati* conciliavit; Sophistas, quos nullo loco consistere patiebatur, verbis & magnifica sapientiæ ostentatione eruditos, re ipsa ignarissimos, rabulasque philosophatores vehementer



tutis præmium, vel vitiorum pœnam expectandam, nulloque modo transmigrationem animarum, a pythagoreis, & tot aliis venditam, locum obtinere posse.

CONSPEC-

menter a se alienavit; eorum enim doctorum, qui publice magistros se profitentur, est genus irritabile in eos, si qui contra cornua tollunt, si qui etiam non demittunt auriculas, ut inique mentis assellus. Itaque cum a Sophistis discipulos abduceret Socrates, est ipse ab Anyto, Melitoque ductus in jus, accusatusque per summum nefas eo nomine: quod Deos patrios non coleret, Deos peregrinos induceret, juventutem nova religione, doctrinaque corrumpere.

Multa & fecit & dixit in eo judicio Socrates, quibus meliora non aliis dedit philosophia; tamen jussus, venenum bibit.

Mortuo Socrati iusta perfolverunt amici veste lugubri; qui sane, quamquam Atheis primum excessissent, tamen, cum civitas ad se rediisset, in patriam sunt revocati; inimici contra publico odio invisi brevi pœnas cum sanguine dedere. Civitas statum æneam Socrati decrevit, nec tamen injuriæ publicas pœnas: peste, aliisque vexata calamitatibus, effugit. E vivis abiens Socrates monumenta (gloriæ ære perenniora) & in animis civium, & in sapientia suorum discipulorum reliquit; etsi enim scripta nulla Socratis reliqua fuerint, doctrina tamen hodieum viget, literis & memoria cum Platonis, tum vero Xenophontis consecrata; vel ideo, etiamsi ipse Socrates ex scriptis taceat, nulla unquam de ejus doctrina conquiescet posteritas. Fuit quidem ille omnibus doctrinarum mysteriis initiatus, sed ea duntaxat arcana vulgavit ethicæ philosophiæ, quæ bono suis civibus essent futura. Quodsi quis majora, quam pro sapientia humana, vellet assequi, ei dabat hoc consilii: ut divinationi operam daret.

Quam vero sæpe, quamque multis opus est altero Socrate! — qui eos ab inani & otiosa philosophia, ab eristica potissimum Logica deduceret, quæ tempus omne vitæ debitum gravioribus curis & studiis solet consumere. Et tamen ex institutione, disciplinaque Socratica non pauciores reipublicæ literariæ, quam Græciæ quondam ex equo trojano, principes exstiterunt; ut enim eos prætereamus, quos Xenophon, quos Plato in sermonibus Socraticis inducunt loquentes, qui fere sunt Socratis auditores, Critonem, Critobulum, Hermogenem, Epigenem, Diodorum, Euthydemum, Euthereum, Aristarchum, Critium, Alcibiadem, Lyfiam, Evenum & Euripidem, quos omnino Socrates mores potius quam sermones docuerit philosophicos; ut inquam hos aliosque prætereamus multos, tamen quod ex Socratis variis & diversis, & in omnem partem diffusis disputationibus aliud aliud adprehenderat, præfeminatæ sunt quasi familiæ, dissidentes inter se & multum disjunctæ, & dispares. (teste Tullio)

Præfeminatæ autem sunt hæ familiæ per auditores Socraticos, & cyrenaica per Aristippum, & eliaica per Phædonem, & megarica per Eyclidem, & academica per Platonem, & cynica per Aristotelem. Quæ tametsi socraticæ dici vellent, & esse arbitrantur; tamen jure amittere nomen, quod adoptatæ in aliam veluti domum fuissent. Socratici illi



CONSPECTUS XI.

Quotquot hic referuntur, quosve tot per sæcula, dissimillimis in regionibus inter se cæterum discrepantes, mundus unquam habuit sublimes spiritus, in ea tamen principe doctrina convenere omnes: summum quoddam ens agnoscendum esse, adorandumque.

Et quidem eousque pertigit humanus soli sibi relictus intellectus, donec feliciori contigit revelationis divinæ lumine illustrari.

Quidni! quem enim ad imaginem & similitudinem suam creavit hominem, opus manuum suarum, odio habere non potuit, rerum omnium Creator; quin sæcundum semen excitaret, & cuivis ætati servaret illustrium, in quibus sibi complacisset, virorum, quos tum mysteriis præpararet, erudiretque, tum qui revelationibus ac promissionibus in cognitionem venirent, ducerentque alios sublimioris illius finis, ob quem conditus est homo.

Hos antiqui testamenti viros principes ad ingressum principalem Aulæ nostræ librariæ, Maulbertschii præsentat penicillus, nempe

1^{mo}. In primo generis humani servatore NOËMO *u)* arcæ a se fabricatæ acclinato, supra quam columbam indidem missam, atque ramum oleæ recentem

illi merito dicti sunt, qui ad plebem philosophicam non transivere, Xenophon, Æschines, Cebes, Simon, Crito, Plauco, Simmias.

Quicumque tamen à schola *Socratis* profecti fuere philosophi, si omnes in unum locum conferrentur; vix cum uno Platone conferendi videbuntur, qui tantum inter alios Socraticos caput efferre, quo jure, quaque injuria visus est antiquis:

Quantum lenta solent inter viburna cupressi.

u) Noënum virum hunc (qui solus & unicus de Sethi sanguine in Dei obsequio perstitit, pius & justus) sepelierat Deus, qui in familiam suam inspiraret virtutem, ut in una nimi-



tem adferentem simul intueri, una cum arcu cœlesti; qui cum tantum fuit a natura signum pluviae, factus est tessera nobilior fœderis Deum inter & hominem, fidequejussor institutus, ne unquam simili eluvione universum terrarum orbem inundaret Deus.

2^{do}. In ABRAHAMO *w*) filium suum unigenitum omnipotenti immolare paratissimo, Magistro circumcisionis, novi fœderis principe.

3^{tio}.

nimirum stirpe vera vigeret, servareturque religio. Huic ergo arca intra annos centum viginti construenda a Deo demandata est, quæ totius mundi reliquias caperet. Hic ille primus generis humani servator, verus & genuinus Christi typus fuit, cum uterque mundum ligno servavit. Hic vir duarum ætatum vidit mori mundum unum, & nasci alterum, ipse reparator mundi, & pene sui; ex arca, quasi ex altera matre substituit novum mundum, & pone genuit.

Nolumus cathedrarii cujusdam philosophi phantasmata adducere, qui *Noemum* asseruit, in arca fluctuante, quod forte abundaret otio, suis philosophiæ scholas habuisse. Illud nihilominus existimamus: eum, qui *Noemo* detrahere ausit vel eximiam sapientiam (ne semper vulgarem philosophiam loquamur) vel singulare quoddam sapientiæ propagandæ studium, eum de providentia Dei erga hominum genus parum religiose, de communi hominum conservatore, parum pie, aut etiam paulo magis imperite cogitaturum.

A *Noemo* suos edoctos fuisse, profecto non precario sumi, sed tuto affirmari potest, quem B. Petrus epist. II. c. 12. justitiæ præconem adpellavit. Præterimus hoc loco compendium juris naturalis, Saldenus de J. Nat. & gent. juxta discipl. hebr. quod apud Judæos Lex Noachidarum, vel septem præcepta Noachitica inscriptum, circumferri solet, quod critici nondum constanter *Noemo* abjudicarunt. Nihil dicemus de arcæ fabricatione ad dimensiones mathematicas fideliter exacta. Nihil de delectu animalium mundorum & immundorum. Illud unum in philosophiæ patrociniū afferrimus: *Noemum* multa didicisse divinitus; fuisse vatem, qui tanto præstantior ea de causa fuerit philosophus, quanto magis & sapientia illi erat opus, & præceptore Deo utebatur, quem quæ præceperat, eundem & scire manifeste Chrysostomus arbitratus est. Homil. 24. in Gen. Sed infiniti essemus, si puncta singula colligere vellemus.

w) *Abrahami* illustrissimi credentium parentis elogium a magno oratore Ambrosio pensamus: Vir plane magnus *Abrahamus*, & nemo ante illum major; eum philosophia votis suis æquare non potuit, minus est, quod illa finxit, quam quod ille gessit; prævenit factis dicta Sapientum, & quod illi dixerunt, ille gessit; exire jussus ex Chaldaea, cui sidera Deus erant, exivit, & secutus Authorem siderum Deum, nec sine mercede, cui Deus ipse merces fuit.

Tres



3^{to}. Abrahamo junctus JACOBUS est; x) duodecim liberorum, & totidem populorum pater.

Jam

Tres aliquando vidit, & unum adoravit; tres erant, atque ex tribus unus, olim erat *Abrahami* nepos & avus. Extendit nomen *Abrahami* Deus, & unde cresceret, adjecit de suo.

Auctus filio, & jussus immolare spes suas, credens supra fidem, & sperans ultra spem, cæca obedientia — id parabat facere, quod facturus erat Deus. Invidit homini hoc privilegium Deus, prohibuit, ne id faceret, quod erat ipse facturus; reservaverat sibi hunc honorem Pater æternus, Patrem esse, — & unigenitum immolare. ! P. Labbe.

Hunc igitur *Abrahamum*, quem Eusebius sapientissimum demonstravit, de quo Josephus testatur: *Ægyptios ab Abrahamo doctos Astronomiam fuisse, & Arithmeticam*; cui Eupolemus dixit testimonium: *Cum sapientia omnes vinceret, Astronomiam pariter & chaldaicam invenisse.*

De quo orphica illa carmina :

Nemo illum novit, mortalia cuncta regentem;

Unicus ille, nisi chaldæo sanguine cretus.

Norat enim solus, qua se lege rotaret,

Et circum terram magnus se volveret orbis,

Æqualisque, teresque, intus sita complectens. — —

Dubium igitur nulli esse potest, eum non modo philosophum, hoc tamen gravi dignum nomine, quin immo philosophiam veluti hæreditariam genti suæ reliquisse.

x) *Jacobus*, de quo multa nobis protulit Menochius, vir sane in omnibus literis eruditior, quam cujus conjecturas (frivolas ratiunculas) audeat dicere is, qui sæpe calcem sine arena adhibere solitus est.

Intra uterum matris dum luctabantur gemelli, & duobus liberis mater una non suffecit; nondum nati, de natis jam disputarunt; exiit secundus *Jacob*, brevi primus futurus. Emit is privilegium vili esca, cui etiam frater vendidit. Benedictionem quoque mysterio acquisivit, non mendacio, excideratque majoratu frater, cum illum vendidit. Victor fratris ausus est luctare cum Deo, & pene æqualis æmulus nec victor nec victus, missionem ab æmulo accepit & dedit. Ipse etiam hominis somnus mysterium fuit; schalam vidit utraque parte attingentem Deum; impositus erat fascigio Deus, & basi suppositus, medii angeli a Deo ascendebant ad Deum; ibat cum angelis *Jacob*, & pene angelus erat. Pastor inter oves, & ovis inter pastores, fecit locupletem Labanum, & se divitem; deceptus in Lia amavit tamen uxorem, & fraudem, in Rachele vero conjugium & mysterium.

Pater



Jam ad centrum fornicis ibi desigendus est cum obtutu animus, ubi

4^{to}. Tabernaculum & sanctuarium apparatu singulari, qui religionem visu ipso excitaret; hoc est: Arca, propitiatorium, ibi denique mensa, in qua positi sunt panes, candelabrum & altaria conspicienda sistuntur; quæ omnia non male templum portatile repræsentabant, & erranti populo Israel per deserta, religiosa hæc machina a Deo ipso ordinata sufficiens erat ad externum religionis cultum præstandum; hæc omnia olim ex auro lignisque pretiosis constructa erant.

A sinistra hujus arcæ

5^{to}. MOYSES 9) providentia Dei alumnus, in regium infantem, & pene in regem adoptatus, ex pastore ovium pastor hominum, qui ex rubo loquens-

Pater duodecim liberorum & totidem populorum fuit; bis mortuus in duobus, dum illis caruit; bis revixit, dum illos invenit; denique mortuus divisit filiis terram adhuc non suam; scripsit testamentum, futurarum rerum mysterium; vidit fines temporis, & limites æternitatis; vidit nepotes futuros, & inter illos nepotem Deum. L. Ab.

Siquidem vero hæc e sacris literis desumpta non sufficerent, profanis illud addimus: vim arcanam phantasiæ in conformanda prole *Jacobo* adeo fuisse notam, ut nemini deinceps philosophorum, tanto temporum intervallo, tot tantisque machinis experimentisque adhibitis notior fuerit; novimus enim illud unum, quod præceperat animo *Jacobus*, ad fortis vim, naturamque effingendam multum valere defixam animi cogitationem; causam, cur tantopere valeat, novisset forte *Jacobus* sive Deo, sive duce natura.

Nos certe, cum verum amamus, videri nos velle scire, cum reipsa nesciamus confiteamur.

9) Et quidem *Moyse*s ille antiquissimus omnium scriptor, sanctissimus legumlator, naturæ totius contemplator; qui unus ex omnium sapientum numero, arcanis illius Artificis fuerit admixtus, jure philosophorum omnium ducit familiam.

Sive enim profanam cogites doctrinam, eruditus est *Moyse*s omni sapientia Ægyptiorum, apud quos sedem imperii sui hæc, quæ Ethnicis dicitur philosophia, olim habebat; sive divinam philosophiam malis: quæ una est, & dici potest sapientia (maxime vero his temporibus nostris) profecto tantum in ea præstitit *Moyse*s, ut si quid de natura veri, si quid sani, tot sæculorum, quæ consecuta sunt, spatio experimenta patefecerint, id omne simplicem illam *Moyse*s, ac propterea verissimam orationem, ac philosophiam de principiis, de elementis, de generatione rerum mirifice confirmaverit.

Cur autem quidam criticorum oracula sacra non acceptaverit? cur eidem *Moyse*s nec dux proprie populi, nec legislator propriè dictus dici potest? cur reipublicæ formam a viris doctis *Theocraticam* quidem recte appellari asserat? ædipo non indigemus. Sed



quentem audivit Deum, Legatus Dei, & fere Deus Pharaonis factus, ac ut accepta lege digito Dei scripta ex apice Sinai singulatim edoctus, post tot cum Deo colloquia, cum radiis duobus, quasi duobus cornibus, indiciis hujus divini colloquii, relictis, quibus augustior & venerabilior efficeretur, ita hic adumbratus etiam visendus proponitur; — an non dignus tali disciplina tantæ gentis Magister & Rector?

Ad dextram vero Mosis

6^{to}. AARONEM ad pontificatum & cultum Numini externum vocatum, in suis pretiosis assignatis vestibus, tantæ dignitati respondentibus, contemplerur; cujus ex parte una, vas absynthio coopertum, ibi ad candelabrum genios bimos, summæ non modo venerationis, sed & admirationis indicia prodentes, deprehendimus.

Non

hos & similes profecto paucis quærimus: *Theocraticam* satisne animo informaverat *Moses*? satisne principia, satis consequutiones *Theocratæ* noverat? An quod Deum sequeretur sibi singula præcipientem, idcirco minus sive præcepta cognoscebat, sive cum ea bene nosset, appellandus est philosophus? Quasi vero qui præceperit: *Sequere Deum* (Tull. III. de finibus) philosophus fuerit sola sententia; qui vero *Moses* reipsa sit Deum secutus Duce, non fuerit philosophus. Sed hos abire sinamus criticos, qui vatem nullum sinunt esse sapientem.

Ad eruditos testes veniamus, quorum paucis (sunt enim infiniti) testimonium denuntiabimus. Clemens Alexandrinus Strom. L. I. testimonium dicit: *Arithmeticam & Geometriam, & rhythmicam, & harmoniam, & medicinam doctum fuisse Moysen ab iis, qui erant insignes apud Ægyptios.* Philo Judæus de vita *Mosys* hoc ipsum dabit testimonium, addet etiam: *Mosen summum philosophiæ fastigium affecutum oraculo de præcipuis naturæ arcanis edoctum.*

Eusebius Lib. 9, & II. tabulas, auctoritates, literas cum undique comparatas recitaverit, hoc etiam adjicit: *Moses sapiens legislator & dialecticus.* Multa denique Rabbiorum veniet manus auxilio, & hosce criticaistros religioni omni inimicos veluti *Judæi cogemus in hanc concedere turbam.*

Ex his enim Ischmael, nescio quis, recitabit leges dialecticæ Mosaicæ, I. Solff. Bibl. Heb. T. II. Struvius Rud. log. Hebr. quæ si somnia sunt, propterea tota *Mosis* philosophia erit volucris simillima somno.

Quin immo metuendum est: ne cui istorum, ab impio Judæo Spinosa pantheistarum, nimis philosophus *Moses* videatur.

Quid ita vero dicat aliquis? nempe Eupolemus Euf. lib. IX. Præp. Evang. Judæus scriptor hæc habet verba: *Mosen primum fuisse sapientem.* At certe primus ille non fuit; nempe Artabanus apud Euseb. hæc habet: *Mossem . . . philosophiam invenisse:* quam ab aliis didicerat; nempe Diodorus siculus Bib. I. 40. cujus testimonium Photius asser-



Non procul ab Aarone

7^{mo}. Virum illum veste militari ornatum, & vexillum leonis effigie insignitum, tribui Juda proprio symbolo, manurentem, Ducem Israelis & terræ promissæ subactorem JOSUAM, 2) quasi adhuc publice in comitiis generalibus populum admoneret, ut religioni constanter, fœderique solemnî Deum inter & Israelitas inito, renovatoque, fideles manerent, contemplemur.

Tum loco paululum inferiore

8^{vo}. DAVIDEM aa) laudes Dei veri psallentem, quas illo nemo nobilius cecinit,

asservavit Cod. 244. scripsit: *imagines Deorum omnino non sculpsit Moses, quod putarit humana non videri forma Deum, sed Cælum hoc, quod ambit omnia, Deum ipsum esse, quod tamen non Deum, sed Dei opus Moses habuit.* Nempe memorix prodidit Strabo lib. 16. *Mosē docuisse: Id solum esse Deum, quod nos — & terram, & mare continet: quod cælum & mundum, & rerum omnium naturam appellamus; quasi vero Stoicus fuisset Moses.*

Quæ quam longe sint omnia a vera ratione repulsa! nec enim *Moses*, qui sapientiam ab *Ægyptiis* didicerat, aut primus philosophus, aut philosophiæ inventor esse potuit; nec qui cælum a Deo factum scripserit, totamque rerum summam e nihilo conditam docuerit, is *hoc quod ambit omnia*, Deum esse insanierit. Itaque *Moses* bono modo tantum, quantum satis erat, philosophus fuisse videtur; quæ in eorum gratiam dicta sunt, qui cum omnia scire, & se solos supra vulgus sapere credunt, discant primum profana a sacris segregare, & secundum sanæ criticæ leges deinceps sententiam non ferre prius, quam cum solidæ eruditionis fontes inter se combinare sciant!

2) *Josuas* vir fortis ac bonus imperator, merito ducibus omnibus antepositus, utpote cui non homines modo, sed & astra paruerint, pluresque occiderit Reges, quam plerique alij milites interemerint; a cujus morte Seniores populum rexerunt sub specie *Χριστοκρατίας* seu verius *Δεοκρατίας*.

aa) *Davidem* talem habes, de quo non loqui piaculum esset, & aliter loqui, quam S. Ambrosius de eo locutus est, temeritas. *David* fortis bello, patiens in adversis, in Hierusalem pacificus, in victoria mansuetus, in peccato dolens, in senectute providus, rerum modos, vices temporum per singularum sonos servavit ætatum, ut omnino videatur non minus vivendi genere, quam canendi suavitate prædulcis, moralem Deo suo fuisse meriti cantilenam.

Scite illud dictum; nam tota *Davidis* vita harmonia quædam est ad cœlestes numeros instructa. Nemo magnus sine Deo maximo nascitur. Infuderat se illi a puero divina mens grandium operum actrix, moderatrixque virtutum. Aptum animo corpus, validum robore forma ac decore florens, os alloquio blandum, & undique spirans, in



nit, & quæ adhuc a nobis laudes, quas cecinit, canuntur, hominibus amabilem, Numini acceptissimum, de quo Rege factò, Deus ipse merito

hominum consuetudine gratia, animus semper erectus, nec gestiens in prosperis, nec adversis impar, omnia fortiter facere, & suaviter pati didicerat.

Deus illum adhuc inscium aulæ, & regno apparabat; nam pugnare & psallere, quæ tum artes in pretio erant, apprime noverat. Robur in aggesti vita, cum leonibus ursisque exercitum, detulit in castra, nec destitit fratrum etiam æmulorum invidia prefusus ostentare se, & in uno Goliath multos exercitus Philistinorum prosternere. Quæcunque Dei favor in singulos ad claritatem spargit, in unum congesserat. Ecce vidi, ait ille I. Reg. 16. & 18. *filium Isai Bethlehemitem scientem psallere, & fortissimum robore, & virum bellicosum, & prudentem in verbis, & virum pulchrum, & Dominus est cum eo.*

Prudentia & fortitudo Davidis. Hæc primo amorem Saulis, deinde invidiam accendere. Magnus & diuturnus *Davidi* fuit cum illo conflictus, in quo ingens prudentiæ & fortitudinis specimen edidit. Poterat apertis armis persecutorem jam ipse unctus laceßere, emollire maluit; atrox illi via ad regnum videbatur per civium cadavera, civilesque flammæ scandere, expectare potius fuit diadema, quam præripere; nam & periculosum erat, Saulem jam firmata potentia stabilem, sceptrum filiis & opibus auctum aggredi; deinde si occumberet, funestum, si superaret, invidiosum; contentus se voranti flammæ subripere, salutem fugæ, non gladio mandare.

Clementia. Culmen istud gloriæ fuit, inimicum inermem deprehendisse, & cum uno ictu & in capite uno posset tot dolorum fibras amputare, continuit manum, vel potius consecravit, ea mansuetudine usus, quam miraretur hostis, & suo ipse dignam imperio prædicaret. Sic edixit principibus turpia & infirma, quæ sceleribus regna pararentur, quæ virtutibus gloriosa, & stabili felicitate fundata.

Continuit patriis finibus fugam, quantum licuit per amicissimum *Jonatham*, Saule sæpius delinito, ubi implacabilem, & in perniciem suam truce agnovit. Ad externos reges confugit, nec tunc hostis patriæ, cum hostiliter in eum omnia molirentur. Servabat se melioribus fati, culmen aliquando regni futurus, cujus tum adversarius ab inimicis audiebat.

Quantum tum prudentiæ fuit sic omnia moderari, ut suis parceret, nec tamen offensos Sauli regulos irritaret. Sciebat suspectam timidis ingenium tyrannidis, & certissimum magnis sæpe virtutibus exitium, idcirco simulata apud regem *Achim* prudentissime stultitia, caput servavit, rebusque afflictis consuluit.

Eripiebat Sauli magnum certe præjudicium, cum ipse ab eo se moveret; sed furere rex impius magis quam placari studebat. Postquam a Philisti-



rito gloriatus est; habes ex una, ex altera vero parte ipsius filium
9^{no}.

listinorum exercitu rex victus & casus, *David* omnia sancte præstitit; quæ politico vir ingenio simulate fecisset. Tum nullam animi exultantis motum prodere, jejunare, flere, luctum omnibus acerbum indicere, eum occidere, qui Sauli mori volenti manum commodaret. Domum ejus afflictam suo sinu colligere, regis sobolis homicidas persequi; non irrumpere in thronum, quem successor imbellis & contentus obtinebat; expectare fata lentis animis, honorem firmare magis quam præcipitare. Hæc *Davide*, hæc æternis laudibus digna prudentia, digna clementia!

Ubi vero pacato jam regno potitus est sceptro, quod delatum ultra ab omnibus magis quam ab ipso quæsitum, id omnino magnifice tractavit.

Religio. Videbat imprimis gentem supra cæteras orbis nationes religioni addictam; hanc conservare, augere, illustrare vehementissime studuit. Sic enim conscientie, sic gloriæ consulebat, Deum propitium, & dociles habiturum populos, quos Numinis metus intra officium coerceret. Inde illi singularis erga Prophetas & Sacerdotes observantia! inde famosa illius arce suis sedibus restituenda studium & labor! inde maximi orbis terrarum templi molitio jam mente concepta! inde divinum psalmorum opus, tot chori musicorum, tot instrumentorum copia! Sic piorum mentes allexit, demeruitque sacerdotes, quibus magna in religiosa plebe Auctoritas.

Politia. Ne tamen solis pontificibus ac sacris natus videretur, nobiles ad se traxit admiratione roboris, & pervigili armorum studio, peritiaque consummata. Gentes vicinas, cum quibus diu colluctatus fuit populus Dei, aut allexit, aut domuit; arma in omnem plagam circumtulit, & suis victoriis illustravit. Ab ortu Moabitas & Ammonitas expugnavit; ab occasu Phœnices & Philistinos; a meridie Amalechitas, Arabes, Idumæos; a septentrione Syros, Damascenos, Sabathæos, Mesopotamios.

Mox cuncta bellis exteris fessa otii dulcedine recreavit; magnificam sibi Hierosolymis sedem constituit, unde in omnes imperii regiones rectorem spiritum diffunderet. Civilia firmis legibus adstrinxit, præmiis & penis ex æquo ad blandimentum & terrorem propositis; erga strenuos munificus, adversus improbos nec extra justitiam misericors, nec extra misericordiam justus. Sagax circa fiscum cura, agere magna, & acta tueri docuerat, annis haud ita multis acceptum de sylvis, & pastorali vita sceptrum improvisa humanis consiliis claritudine decoravit. Hæc procul dubio magna, & sæculis omnibus visenda conspiciuntur in *Davide*, quamdiu inspiranti Deo pareret.

Lapsus Davidis. At ubi relictus sibi, & a mente divina destitutus, suos habuit navos tantum fidus! quædam improbe meritis, quædam etiam passus demisse.

Boni-



9^{uo}. Candido splendicante, tanta majestate digno, decoratum amictu, Regum sapien-

Bonitas illi agnata in partem nimiae facilitatis aliquando degeneravit. In mulierum amorem non tantum pronus, sed favus in Uria fuit, quem Bethsabæa uxore rapta, suæ libidini innocentissimam victimam immolavit. Inde Numinis iræ ultrices longo squalore pœnitentiæ, multisque lachrymis expiata.

Defluxit in familiam patris exemplum Ammone stuprum sorori Thamar inferente, quem nec ipse pœnis coercuit, supina erga liberos indulgentia. Hinc ultor Absolonis gladius paternam domum fœdo parricidio cruentavit, majora tum ausus, & meliori Davidis ingenio spes accensas fovens in thronum ejus violentus & ferox conatur irrumpere. Ad hunc nuntium miserandus senex constantia prostrata omnia timide, & flebiliter gessit; terrorem, quem animi præsentia aliis minuere debebat, auxit sibi primaria urbe dimissa, & palatio concubinis relicto, quod scilicet rex imbellis tueretur; non tantum fugit, sed humili & præcipitata fuga, totaque infidiis exposita, nisi divina vis conscelerati filii mentem & consilia confudisset. — Omnia illi pessum ruere, nisi Joab mœrentem erexisset, vel animasset semimortuum.

Habuit præterea (*quod multis Principibus fatale est, & noxium*) amicos jam factos negligere, faciendos ardentem colere. Joabum, qui nutantem illi & jamjam lapsuram capiti coronam asseruerat, destituere mens fuit, ut Amaseam rebellis militiæ sub Absolone ducem ejus in locum reponeret; quæ res furias veteris amici tantum accendit, ut æmulum interficeret. Jam Zibum perfidiosissimum Saulis servum contra dominum Mephibozetum audivit; & indicta causa damnavit innocentem. Amantissimi Jonathæ scilicet filium bonis omnibus exutum domestico & procuratori perperam mentienti in prædam tradidit, munusculis quibusdam ab eo delinitus; cumque fraudem introspeisset, abstinuit a scelerati pœnis: socordi tum justitia jubens cum domino dividere. Excusat Tostatus, quod verecundum fuisset regi, factum infectum reddere; sed peccati misera defensio est, id velle semper factum, quod semel male feceris! Non mirum est, si principes sæpe lateat veritas; sed crimen est, si agnitam verecundia premant, præsertim in bonis alterius restituendis, ubi tandiu manet culpa, quamdiu denegatur justitia. Xerxes apud Herodotum excusat se, quod inconsulte & juveniliter unum ex Senatoribus suis senem & verecundum dictis carpsisset: inde uberior gloria, quæ per modestiam venit.

De Abnero quis Davidem excuset, nisi ad divina placita confugiatur? Extrema quoque Davidis carpere in morte Joabi, Semeique plerisque animus fuit; sed satius fuerat tanti viri cineribus velum obtendere. Joabi eadem ad rem status Theodoretus refert, dum occisum memorat, quod Salomoni

in



sapientissimum SALOMONEM bb) librum exhibentem sapientiæ, cujus viæ
æter-

in thronum conscendenti obtrudere se, & res pacatas turbare destinarat; in Semei vero, quam servabat fidem, intra personam suam continuit, nec sacramentum libuit in filium extendere.

Ad summum si qui *Davidis* lapsus infinitis virtutibus obruuntur, & hos in omnibus fere permittit Deus, ut solus Rex sæculorum ab omni errore & labe immunis cum profusi animi veneratione cognoscatur.

bb) De *Salomone* sicut si quis inter legendos philosophos taceret, insignem injuriam ipsi sapientiæ intulisse videretur; ita etiam si in arte magister *Maulbertschius Salomonem* omisisset, omnes priores philosophos simul omittendos necessario habuisset.

Sapientia namque in uno *Salomone* instituendo omnem vim suam visa est contulisse: *Magnificatus est rex Salomon super reges terræ*, non modo divitiis, sed etiam sapientia, lib. III. reg. quem *Ecclesiasticus* cap. 47. est in hunc modum allocutus: *Eruditus es in juventute tua, & impletus es quasi fumen sapientia in cantilenis, & proverbiiis, & comparisonibus, & interpretationibus miratæ sumi terræ, & in nomine Dei, cui est cognomen Deus Israel.*

Quid ille locus e libris regum III. c. 4. ? *Præcedebat sapientia Salomonis sapientiam omnium Orientalium, & Ægyptiorum, & erat sapientior cunctis hominibus . . . locutus est quoque Salomon tria millia parabolas. Disputavit super lignis a cedro, quæ est in Libano, usque ad hyssopum, quæ egreditur de pariete, & disseruit de jumentis & volucris, & reptilibus & piscibus.*

Hic jam scire velim, quid demum in ullo Græciæ philosopho habeamus, quod in *Salomone* desideremus? Nemo de officiis, de moribus nemo, nemo de civitatis statu sapientius scripsit, nemo illam sapientiam, divinamque philosophiam, quæ in libris *Salomonis* continetur, in *Canticis*, in *Proverbiis*, in *Ecclesiaste*, quæ certe sunt illius scripta, non dicam assecutus, sed ne initiatus quidem est inter tot tantosque Græciæ philosophos.

De illis vero rerum phisicarum scriptis, quæ perierant, si ex aliis alius generis conjecturam facimus, possunt profecto eos ejusmodi putare, quibus nihil simile tota philosophorum natio deinceps aliquando protulerit.

Abjudicemus sane illa scripta supposita *Salomoni*, qui alienis, quibus omnes se, non eget exuviis; psalterium ab *Andrea Schotto S. J.* psalmorum octodecim Augustæ Vindelicorum inventum, & ab alio latine factum. Abjudicemus *Epistolas*, quas apud *Eusebium* in præpar. Evang. L. IX. recitat *Eupolemus*; abjudicemus, quos vel suppositos, vel expositos libros meminit *Fabricius*.

Verumtamen nec sine temeritate negare, nec sine flagitio proditæ religionis possumus dubitare, quin *Salomo* philosophus fuerit insignis.

Nihi-



æternæ per ipsum revelatæ sunt; & sublimem illum Canticorum, juxta se
posi-

Nihilominus quam timenda sint ubique Dei dona etiam optantibus in *Salomone* ipso deprehenditur, cujus initia cœlestis orditur favor, & sequuntur progressus initiis pares, extrema horrore & silentio reservata.

Laudanda in eo mens bona, quam a Deo sortitus fuerat a teneris; donum inestimabile est, præsertim in regis pueris, odisse malum, in bonum propendere, ferri in sapientiam, virtutesque præclaras, ingenii tractabilitate, veluti cereum amplecti, ut agit Apostolus, *quæcunque sunt vera, quæcunque pudica, quæcunque iusta, quæcunque sancta, quæcunque amabilia, quæcunque bonæ famæ.* Hæc *Salomon* mirifice præstitit educatus in optimi parentis sinu.

Prima vero pars virtutis est, scire quid facere debeas; inhæsit illi ab adolescentia sitientissimus amor veri, & continuum discendi, atque proficiendi studium, tum scientiæ æstimatio immensa, quod ipse testatur Sap. 7. *Opravi, & datus est mihi sensus; & invocavi, & venit in me spiritus sapientiæ, & preposui illam regnis & sedibus, & divitias nihil duxi in comparatione illius. Super salutem & speciem dilexi eam, & proposui pro luce habere illam, quoniam inextinguibile est lumen illius.*

Accedit zelus justitiæ, & in disquirenda rerum veritate sagacitas, quam etiam in famosa duarum mulierum concertatione in vindictis infantis prodidit.

Mox omnium admirationem rapit ingentium operum consumatio, substructiones templi, & ædium regiarum magnificentissimæ, divinorum librorum editiones, qui sepultis marmoribus exstant superstites. Majestas regno primum asserta, vitæ splendor popularibus & externis conspicuus; ordo & prudentia vitæ civilis. Ad summum alta pax illa, quam populis toties diris bellorum laboribus exercitis stabilivit, otii dulcedo, largitio continua, omnes in ejus amorem atque venerationem traxere.

Sed heu! quam multa sunt, quæ tantum decus obfuscant!

Primum est: quod de ornando potius regno, quam de formando cogitavit; totus fuit in divitiis congerendis, non tam utilitati, quam pompæ; segnior illi cura de parandis militibus & urbibus munitissimis, de armis, comneatibus, fœderatis, de ipsa militari disciplina.

Alter quoque morbus *Salomonis* fuit: multæ & indigestæ scientiæ curiositas; tum ignorantia politicarum rerum; quod veras regni opes & firmamenta non satis nosset, cum *Heramo* Tyriorum regi multas urbes in suo concessit solo, quibus majora tendandi cupiditas, & invadendi occasio nasceretur.

Tertius *Salomonis* lapsus erat: mens incauta in alliciendis sibi familiaribus, & in hominibus discernendis. Unum nominamus *Jeroboamum* juvenem præclaris naturæ dotibus instructum, industrium, & nunquam cessantem, cui fiscum, cui se commisit. Is continua familiaritate expiscatus arcana regis, animi jam lapsi imbecillitatem & foecordiam deprehendit; animadvertit simul *Roboamum* deliciis a pueris immersum (ex tot mulieribus hæredem unicum, non sapientiæ imitorem, & laudatorem operum, sed flagi-



positum, in quo per amoris assymbola mirifica illa Mediatoris, cum Sponsa Ecclesia, unio concinitur. Ab his antiqui testamenti celebratissimis viris jam in altum oculos convertamus, &

10^{mo}. Mulierem bene annosam, peploque tectam conspiciamus, veterem nimirum Ecclesiam; cui una cum arca foederis, sicut & cum cæteris omnibus eo adpertenentibus, genii cortinam inducunt, & insinuant: Lege a Moyse lata ideam Dei clariorem quidem humano generi datam fuisse, quam illa sit, quæ vel solo naturæ lumine obtineri potuit; nihilominus tamen perfectam, numeris omnibus absolutam, soli, veræ, unicæque Evangelii luci fuisse reservatam.

CONSPEC-

flagitiorum, per quem jam tentata sub patre regni moles plane collapsa, aliis terrori, aliis exemplo fuit) imparem regnis fore; cœpit igitur agitare consilia regnandi, quæ *Salomonis* reverentia pressa, postquam e vivis excessit, in successorem erupere.

Quarta & maxima perniciēs, ambitiosissima luxuria: nam mulieres extraneas contra Dei legem non tantum perditissime deperivit, sed & mille in gynæceo, portentosum numerum ad libidinem vel pompam habuit. Ab iis miserandum in modum dissipatus, non tantum idola *Salomon* permisit, sed & coluit illecebris & præstigiis infatuatus.

Quinta hæc calamitas! quod novandæ religionis exemplum edidit pestiferum regnantibus. Nam cum omnis mutatio legum antiquarum in regno sit timenda, etiam cum prodire putatur in melius, quia verti posse statum imperii docet & moveri, quæ fixa putabantur; tum certe exitialis est, cum divinæ leges negliguntur, & convelli incipiunt sacra tot sæculorum monumenta. Scinditur in diversum vulgus, aliis ad libidinem dominantis religionem componentibus, aliis ritus antiquos retinentibus. Inde odia & discordiæ, ac bellorum incendia, quæ vix cruore millium & millium restinguuntur. Deinde quod aversos sequatur ultor a tergo Deus, destruatque eos, qui contra se abominandos cultus struxere, tot & tanta historiarum exempla nobis comprobavere.





CONSPECTUS XII.

A typo igitur & figura, antiquo nempe Testamento, ad novum accedamus, & e diametro oppositam ad plagam fornicis meridionalem picturam consideremus oportet. Hic

1^{mo}. Illa a Deo homine Jesu Christo supra petram fundatam Ecclesiam, contra quam portæ inferi prævalere poterunt nunquam, salvifico signo crucis, & calicis, salutis nostræ indiciis, tum demum libro aperto vitæ normam a Christo fundatore traditam ars videndam sistit.

Pone hanc

2^{do}. Ecclesiæ christianæ effigiem sicut angelus ille cum thuribulo supremi Numinis adorationem in spiritu & veritate suscipiendam, ita alter aureo vase provusus Genius, vas electionis Paulum indigitat, qui nomen Jesu Christi annuntiavit terræ gentibus.

3^{tio}. Non poterat omnino Paulus meliori in luce collocari ab arte perito, quam cum scenam illam in celeberrimo totius Græciæ loco Athenis sibi effigiendam constituit. Hic ergo Paulus cum Philippis & Theffalonica pulsus Athenas venisset, in AREOPAGUM *cc*) tractus, orationem exorsus, repræsentatur ab ara inscripta (quæ isthic magnifice adornata vifenda datur) IGNOTO DEO; quo collineant verba ipsa Pauli Actor. Apost. c. 17. v. 33. in libro infra jacente: *quod ergo ignorantes colitis, hoc ego annuncio vobis.*

4^{to}.

cc) *Arcopagus*: Scimus enim, circa annum 2546 mundi constitutum Athenis judicium, quo celebratius & severius nullum orbis vidit; id (quoniam in hoc colle Mars judicatus erat) *Arcopagus* dictus, templumque inædificatum, in quo causæ capitales dirimebantur tanta integritate, ut ne quis fucus fieret, hic neque exordiri, neque perorare liceret oratoribus, sed nude & simpliciter causam explicare. Reddebatur etiam jus in tenebris & de nocte, ne sordidus reorum cultus & squalor valeret ad intempestivam commiserationem.

In



4^{to}. Corona illa cujusvis nationis, ætatis & sexus hominum Paulo dicenti aures dantium, illi exhibentur; a quibus Paulus dum annunciaffet Christum a mortuis excitatum, partim irrisus, partim ab aliis in aliam diem iterum audiendus projectus est;

qui vero parte sinistra

5^{to}. Ab ara prospiciens, totusque in verba Pauli quasi demersus cernitur, DIONYSIUS *dd*) (Areopagita dictus) est, factus primus Atheniensium Episcopus.

Tum

In hoc porro sederunt iudices integritatis tantæ, ut eo ex omnibus partibus Græciæ & Asiæ causæ deferrentur, dignique haberentur, quibus postea summi momenti controversiæ committerentur. Hæc originis gratia *Areopagi* dicta sunt; nunc rem ipsam consideremus. Utrum autem sic inscripta fuerit, an *ignotis Diis*, ut alii malunt, non est opellæ hujus statuere.

Paulo nihil omnino fuisse sublimius, quis unquam negavit? nihil hîc moramur eloquentiam verborum fucis illitam, & vanissimo periodorum ambitu tinnientem, sed grandem, præcellam, & heroicis sensibus exaggeratam, qua ex parte illi nihil defuit, quem longe aliter, quam ille Periclem tonare, fulminare, & permiscere concionibus orbem terrarum dixisset. Vidisses ipsum, seu dum Romanis probasset latere in rebus creatis Deum, & patere; seu, dum docuisset Corinthios: fidem grandibus factis constare, non verbis; sive Galatas: minus sapere, dum nimis sapiunt; vel cum laudasset Ephesios, ut eos laudabiles redderet; dum amaret Philippenfes: & amari noluit se, sed quem prædicaret Jesum; dum Colossensibus fidem asseruisset, esse colossum immobilem; victoriam dum ostenderet Thessalonicensibus, & hortatus, ut vincant; dum fecisset Timotheum sibi similem, ut faceret filium; seu dum *Paulus* vidit Titum, ut Titus sit *Paulus*; aut, dum Philemoni commendaret Onesimum, & se commendavit; seu denique dum Hæbreis probasset ex umbris veteris testamenti diem novi; verbo: quibuscunque mixtum divini verbi semen sparsisset, si docuit, nihil illustrius, si disputavit, nihil calore illius pugnanti; si consolatur, nihil blandius; si minatur, nihil imperiosius.

Ita Genealogistas Judæos confudit; ab Epicureis ruborem expressit; Stoicorum turbam contentioso fastu plenissimam, ad christianæ mansuetudinis disciplinam perduxit; quem causam e catenis dicentem Præsides timuerunt, & ipsi ante reum palluerunt iudices, reges, laceram ejus penulam, & vincula complexi, de regali majestatis sede ad christianam humilitatem sese abiecere; quem supra humanam sortem, quasi de turbine, loquentem Lycaones instar Numinis coluere. — —

Sed quis finem laudum *Pauli* faciet? quis inveniet?

dd) Hic patiente Christo, visa heliopoli magna & supra ordinem naturæ obtenebratione exclamasse fertur, aut naturam everti, aut naturæ Deum pati; seu ut alii malunt:



Tum vero

6^{to}. Aliquantum inferius : fœmina confidens, verbo Pauli ad Christum conversa, DAMARIS est. *ee*)

7^{mo}. Infra aram hujus Areopagi templi in opere plastico Vestales virgines suum sacrificium obeuntes repræsentantur, iisque significatur : Gentes a falforum Deorum cultu & idololatria, prædicatione Pauli, ad veram Dei veri agnitionem pervenisse, quod duo illi admirabiles genii indicant.

A latere templi hujus sistuntur celeberrimi Ecclesiæ Catholicæ Patres & Doctores, qui apostolicam Christi doctrinam non modo scriptis suis defenderunt, declararunt, sed & plurimum promoverunt.

Et quidem

8^{vo}. GREGORIUS ab adolescentia philosophus, in pontificatu Ecclesiæ, quam sanctissimis institutis & legibus ornavit, Magni nomen promeritus, alia inter innumera istud mirabile effecit, quod Eutychium Patriarcham, qui adversus veram & tractabilem corporum resurrectionem scripserat, adeo convicerit, ut instante morte pellem manibus tenens multis præsentibus diceret : *Confiteor, quia omnes in hac carne resurgemus.*

Tum vero

9^{no}. AMBROSIVS quasi nectare enutritus, tam suaves, tam argutas plerumque habens orationis delicias, ut apes, quæ infantuli cunas & os circumfederunt, credas in hujus labellis sessitare.

10^{mo}. AUGUSTINUS vero ad pugnam aptior, quam ad pompam, vehemens, acer, subtilis, non puerilis & verbosæ facundiæ, sed cœlestis eloquentiæ torrens, domum Dei facundis doctrinæ rivis exhilarans, adversariorum propugnacula præterens, demoliensque.

11^{mo}.

aut Deus naturæ patitur, aut mundi machina dissolvetur. Qui plura, & solida in hoc genere legere voluerit, historiam Astronomiæ Veidleri, cap. §. 3. Heilbronner, Riccioli Almagestum & alios consulat, in quibus satisfieri sibi videbit.

ee) Quam aliqui, si non plerique Dionysii uxorem faciunt.



11^{mo}. HIERONYMUS in omni genere summus artifex, quas stili divitias habet? quæ lumina? quos aculeos? de quo dubites, doctusne magis, an eloquens sit appellandus? in leonis labris fedet majestas, vis & impetus, salvianum stipant quasi satellites.

His adjuncti sunt:

12^{mo}. GREGORIUS NAZIANZENUS, qui cœlestis ingenii pennis subnixus, in arcana mysteria theologiæ penetravit, & quasi Deus fulminans tonavit e machina; acer & velox, tam gravis, quam etiam ubique sui similis, colendusque memoria.

Denique

His Ecclesiæ Christi luminibus adsunt sociati regni nostræ Bohemiæ, & patriæ omnino charissimæ Patroni ac Indigetes, præcipui:

13^{mo}. Primus gentis Bohemæ Apostolus & in Christi doctrina Magister S. METHUDIUS, ff) qui Bohemiæ incolis fidem christianam tradendo, characteribusque novis repertis, vetusque & novum testamentum, pluraque alia de græco, seu latino sermone slavonicam in linguam transferendo plurimum profuit.

14^{to}. A fratre suo male germano trucidatus, primus vero pro Christo sanguinem fundens, Regni Princeps, fervidissimus religionis cultor, propagatorque S. WENCESLAUS

15^{to}. cum Avia sua Matre pauperum, orphanorum & viduarum consolatrice, fidei catholicæ in Regno Bohemiæ antesignana S. LUDMILLA.

16^{to}. Visitur etiam humillime prociduus sæculi etiam nostri Thaumaturgus, sacramentalis sigilli assertor, arcani fidem sanguine obfignans, S. JOANNES NEPOMUCENUS.

Denique

17^{mo}. Cultus Eucharistici propagator & propugnator, Canonicorum Præmonstratensium in diocesi Laudunensi 1120 Fundator, vir verbo potens, quod vitæ sanctitate ac miraculis condiebat, in quo eloquentia, sanctitas

ff) Cyrillus Coapostolus enim ad suum usque Romam reditum Moravia nunquam egres-
sus est.



titas, prudentia contendebant, dignus qui duorum sanctorum Bernardi & Petri Cluniacensis calamo laudaretur, Archiepiscopus Magdeburgensis, laboris potius in hac dignitate, quam pompæ sollicitus Bohemiæ Patronus S. NORBERTUS, cujus meritis & patrocínio illius sacrarum exuviarum custos, mons Sion gratissimus, tribuit misericordiæ Domini, quod non sit consumtus.

Et hi demonstrant, gg) a quot jam sæculis religio Christi in regno nostro fuerit acceptata, cultaque; quam suo sanguine, immo & vita tot tantique obfigillare non dubitarunt.

CONSPEC-

gg) Quia nempe, ut Cicero ait, de hominibus nulla gens est neque tam immanfueta, neque tam ferrea, quæ etiam si ignoret, qualem Deum habere deceat, tamen habendum sciat; omnibusque innatum est & quasi insculptum: Dominos esse omnium rerum ac moderatores Deos, eapropter quæ gerantur, eorum geri ditioe atque numine, eosque optime de hominum genere mereri; & qualis quisque sit, quid agat, quid in se admittat, qua mente, qua pietate colat religionem, intueri, piorum & impiorum habere rationem. De Legib.

Cum igitur primi terræ nostræ incolæ Bohemi, ut de his plures, iique antiquissimi rerum patriæ scriptores consignavere, sacris se semper occuparunt, etiam tum idololatræ, ita etiam in vero Deo non modo cognoscendo, sed eo etiam adorando nec tergiversantes, nec postremi erant, veræ fidei acceptatores, cultores religiosissimi, ejusque præceptorum executores fervidissimi. O utinam! his præprimis temporibus, Deo, Regi, Patriæque, fideles & immobiles Bohemi manerent, Bohemi essent! essent ad unum omnes.





CONSPECTUS XIII.

Jam oculus in centrum picturæ fornicis defigendus est.

Imo. In æthere ibi circa diffusissimam lucem æternam Dei omnipotentis confidentem Sapientiam *hh*) conspicias, quæ sceptro suo, ab æterno designatum

hh) Revocanda nunc in mentem denuo illa Ægyptiorum peplo testata sapientia; nunc aræ omnes, Diis, ab omni retro ætate *cultus divini ac pietatis causa excitatæ*; iterato virgines illæ romanæ perpetuum in ara sua ignem, amoris cordisque symbolum, servantes, atque hoc significare volentes: *Deum perpetuo colendum, amandumque esse*, considerandæ. Ipsa denique Pausaniæ ara, quam in atticis memorat, & de qua quot annis lampades accendebant ii, qui certatim ad metam decurrebant, nullusque victoria potiebatur alius, nisi is, qui ardentem, cursuque suo velocissimo non extinctam præferebat, cum mille aliis nominetur.

Quid autem hæc omnia omnium retro ætatum signa, symbolaque sunt respectu æternæ Dei omnipotentis sapientiæ? Si enim in universi hujus infinitam amplitudinem, in vasta, quæ in immoderatis cœlorum regionibus tum micant, tum libere vagantur, volvunturque corpora, si in terrarum nostrarum orbem, in innumerabiles omnium rerum varietates, ordinem, conformationem, multitudinem, fines & usus, quibus universa sibi subserviunt, animum serio injiciamus, intendamusque; profecto hisce oculis videbimur clarissime intueri, omnium causam & auctorem esse *Unum* præstantissimæ mentis *Deum*, qui immensa præditus potentia, adeo numerosa creavit corpora, qui summae rationis, ac consilii particeps infiniti ingenii sagacitatem, in tot rebus diversis inveniendis summam solertiam, in perficiendis eminentem sapientiam, in iis convenientissimis ordinibus adstringendis manifesto demonstrat, seque continuo munificentissimum conservatorem, prudentissimum gubernatorem omnium prudentem & cogitantem præbere pergit.

Nihilominus tamen admirati sunt cum Cicerone omni tempore alii innumeri: *quis tam vecors esse possit, qui cum suspenderit cœlum, Deos esse non sentiat? & ea, quæ tanta mente fiunt, ut vix quispiam arte ulla ordinem rerum atque vicissitudinem persequi possit, casu fieri putaret? cum firmissimum hoc adferri videatur semper, cur Deos esse crediderimus: quod nempe nulla gens tam fera, nemo omnium tam fuerit immanis, cujus mentem non imbuerit Deorum opinio?* Quomodo tamen jam ab antiquissimis retro temporibus dari potuerint homines non omni ingenii acumine, & eruditione plane expertes, quibus tantæ animi angustiae, tenebræque fuerunt, & num etiamnum potissimum esse possint, ut *Deum*, mundi Architectum non solum non inveniant, sed ausu sacrilego dari negent? mundum afferentes ab æterno, sine causa extitisse; quæcunque corpora etiam præclara opera,



natum creaturarum & rerum omnium moderatur ordinem, destinatum in finem dirigit, invitatque in sui communionem mortales, uti humanis viri-

opera, ex acervo atomorum, quæ concursionibus fortuitis cohærescebant, nulla moderante natura, nulla ratione coaluisse.

Quod dum quibusdam ratiunculis cum Democrito, Leucippo, Epicuro, Lucretio & plurimis aliis ætate nostra novatoribus adstruere adnituntur; una sacrorum, ceremoniarum, & religionis hostes apertissimi evadunt, & ad omnia, quæ sacra sunt, evertenda acheronta movent; quanquam hi *insipientes corde Athei*, demonstrata argutiarum & sophismatum vanitate ac imbecillitate, ab omnibus piis, probis & vere sapientibus risui & magno pro merito suo despectui habeantur, quod tota nunc Europæ evigilans natio recentissimo comprobatur exemplo, dum ad Deum sibi vi subtractum, ad Deum & hunc crucifixum imperterritè revertitur, eundemque ita confitetur denuo, ut non nisi a Deo *commoda, quibus utimur, lucem, qua fruimur, spiritum, quem ducimus*, omnem denique felicitatis scaturiginem sibi dari & impertiri videant omnino clarissime.

Turpissimorum errorum scaturigo, in quos pessimi ratiocinatores inciderunt alias, & nunc incidunt etiamnum aliosque levis & superficialiæ eruditionis socios secum in abyssum perversitatis abducunt, propullulavit, partim ex ignavia, qua adcuratum examen causæ rerum omnium instituere respuunt, partim ex superbia, qua supra genus reliquum humanum sapere videri volunt; partim quod regulas bene solideque ratiocinandi ignorent, & dum adhuc discendum habent, jam alios docere velint.

Quodsi autem se & alia terrena explorando perpenderent, hominum neminem, belluam nullam, nullam in solo vegetantem plantam, nullum quod in exterioribus telluris stratis, seu interioribus ejus visceribus reperitur corpus inanimatum vel tantillum potestatis, qua se producere, componere, aut conservare possit, in se invenire aut complecti. Quomodo tellus, quæ memoratorum corporum est sola compages, ab æterno esse, aut se progignere, præsentem formam induere, vel se in hunc usque diem conservare potuisset? quomodo a fortuito individuorum concursu artificiosissimum planetarum systema, & tam vastis discrepantium magnitudinum & densitatum globis oriri potuit? unde tanta venit motus, mensura & concilium? quo cœperint iis intervallis a se removeri, in ellipticis orbitis circa solem cunctarum umbilicos occupantem, circumagi adeo, ut quadrata temporum periodicorum, distantiarum a sole cubis proportionalia sunt, viribusque agentur centralibus, quæ sint in ratione univèrsæ quadratorum distantiarum a centro, circa quod feruntur? Sicut autem geometricæ hæc propositiones æternæ sunt veritatis, nulliusque temeritatis insimulari queunt; ita omnino ea peritissimi opifices, etiam si summa dexteritate, solertia arteque usi fuerint, non nisi ruditer in parvis imitari valuerunt, quomodo tot diversa organa in animalibus conspicua, in omnibus generibus sibi similia sponte originem capere, ordine locari, & in prole constantibus regulis vinciri sine consilio potuerint?

Hoc,



viribus incomprehensibilem, ita a solis veræ religionis, cujus signa exhibet Genius, lumine & exercitio consequibilem, æternam offerendo felicitatem & beatitudinem.

Hinc

Hoc, si in auxilium vocando combinationum & sortium doctrinam ex individuis mero casu fieri non posse facile demonstrent profundi mathematicorum Doctores; necessarium est, ut excellens quædam natura detur, quæ intelligat, quæ præsit, quæ universum gubernet, quæ rebus terrenis consulat, quæ sola omnipotens, sola sit sempiterna, & omnium sapientissima fabricatrix.

Quemadmodum autem id multis sane modis, causa nobilissima facultatem dante, ab egregiis antiquis philosophis probari cœptum, ita in eodem pulvere se exercere non desiverunt recentiores eruditi; inter quos felicissimo demonstrationum successu imprimis numerantur: Rayus, Cheyneus, Nieuventutius, Derhamius, Bentleyus, Bonnetius, Clerkius, Lambertius, alique bene multi; quin immo agmina philosophorum, qui divino amore afflati, adversus Atheos insurrexerunt, eosque argumentis momenti omnino maximi oneraverunt, hic loci adduci possent, nisi vereremur, ne forte vel studio dati videamur, vel etiam limites nobis præscriptos transgredi timeremus. Hoc tamen omisisse vitio nulli dabitur: sicut enim illud pererudite viri in omni politiorum literarum genere versatissimi præstiterunt, ut nihil desideretur amplius; ita execrandus hujus nostræ ætatis genius omittit nihil, ut & eorum memoriam usumque tollat, illisque alios, naturæ Authorem Deum ex corde & animo delentes, tanta vafritie & astu substituat veneno perversitatis plenissimos tractatulos, ut non prius perniciēs observetur, nisi cum in succum & sanguinem conversa jam abiisset.

Ambitiosam rem semper fuisse humanum ingenium, nemo est, qui nesciat; id enim scire ambit, quod nemo docuit; id intelligere, quod nemo didicit; quærere aliquid ultra verum; fingere aliquid ultra nihilum; eo vult tendere, quo nemo pervenit; viam facit, quam nemo transivit; & quieturum se ante negat, antequam infinitum assequatur; spatium ultra universum, excurrere ultra cœlos, evagari ultra vacuum, res illi exigui momenti; cum patere sibi videat in campum omnem naturam; — parvi æstimat, quidquid finibus clauditur; hæc siquidem captivitas illi esset, compedibus ita teneretur; parvitas esset, esse finitum; vel ideo nihil magnum habet, nisi quod opinione sua sit infinitum; hos limites vult esse suos, carere videlicet limitibus; inquietum propterea vivit, quia infinitum non attingere modo, quin comprehendere se putat, scilicet primi generis humani patris ad exemplum, qui cum orbem terrarum in dominium, paradisum voluptatis in domicilium; & delicias omnes præsto habuisset in cibum, pauperem se putavit, si arbore una careret; famem credidit, si pomi unius edendi potestas deesset. Ita humani ingenii est constitutio, ut neglecta doctrina sola salutari ignorantiam & deliria putet, si modo sapientiam & providentiam Dei unius admittat, mavult recentiorum nixa philosophandi consuetudine affirmare, quod non intelligit; negare, quod nescit; fingere ut neget; res implicitas affirmare, quas non intelligit; proponere argumenta, quæ non capit; & ne vincatur, novas fingit difficul-

H

tates;



Hinc ii)

2^{do}. Sub divinæ Sapientiæ throno eas virtutes locatas reperiēs, quarum adminiculis illi appropinquare liceat :

uti sunt :

3^{tio}. Discendi studium, absque quo humanus intellectus, neque vere sapere possit, neque voluntas digne operari, quin immo & ille cœcutiet, aberrabitque & ista operando deficiet.

4^{to}.

tates; vincitur tamen, cum solvere non potest. Similis farinæ homines, quorum numerus in omnibus terræ ævi nostri regionibus diebus fere singulis incrementa sumit, non alio modo minui poterit, nisi ii, qui solidioribus assueti studiis, veram sapientiam suis conatibus omnino promoverint, & omnes versute positos in republica qualibet malevolentium cuniculos everterint, dissipaverintque.

ii) Digressionis præmissæ occasionem, picturæ hujus ergo, arripimus, authoresque esse conamur iis omnibus, ut quicumque humanitatem nondum omnem exuerunt, aut scintillam veræ sapientiæ in animis adhuc latitantem sentiunt, hi iis potissimum virtutibus adquirendis studeant, quas signis & symbolis Maulbertschius noster circa effusissimam divinæ sapientiæ lucem suo penicillo adumbravit.

Et vero cum secundum Tullium de nat. Deor. homines finis ex terra, non ut incolæ & habitatores, sed quasi spectatores supernarum rerum, atque cœlestium, quarum spectaculum ad nullum aliud genus animantium pertinet, sensus autem interpretes ac nuntii rerum in capite, tanquam in arce mirifice ad usus necessarios & facti & collocati sint; cum naturâ cætera animantia abjecisset ad pastum, nos vero solos erexit, & ad cœli, quasi cognitionis domicilijque pristini conspectum excitavit, tum speciem ita formavit oris, ut in ea penitus reconditos mores effingeret, profecto dispicere & sentire necessum est nobis, quid finis, & in quo ab animantibus cæteris differamus, ut ea insequi incipiamus, ad quæ nati sumus. *De finib.* Et quidem

Cum tantus sit innatus nobis cognitionis amor, & scientiæ, ut nemo dubitare possit, quin ad eas res hominum natura, etsi etiam nullo emolumento invitata, rapiatur; videamusque, quod pueri ne verberibus quidem a contemplandis rebus, perquirendisque deterreantur, aut pulsi requirant, & aliquid se scire gaudeant, ut aliis narrare gestiant; quanto magis qui ingenuis studiis atque artibus delectantur, ut ne valetudinis, nec rei familiaris habeant rationem, omniaque perpeti ipsa cognitione & scientia captos, & cum maximis curis & cum laboribus compensare eam, quam ex discendi studio capiant voluptatem, *quia suavitatem scientiæ nihil est homini jucundius.* Eam ergo primum exquirere, quæ vera & solida est, & nos ad finem præstitutum ducat secure, nobis familiarem reddere oportet; & si quod optimum, maximumque est, id volumus adipisci, virtutibus opera danda est, sine quibus nullam rem expetendam consequi possumus. *Cic. pro Lel.*



4^{to}. Ad omnia utilis pietas, *kk*) sacrificium & charitas; quin &

5^{to}. Obedientia *ll*) media consequendæ veræ felicitatis proxima.

6^{to}. Adolescens ille chordarum diversarum tonos ad genuinam harmoniam studiosius componens tolerantiae *mm*) sit symbolum, oppositum contradicendi perperam, contemnendi alios, in rixas proruendi animo tam scientiarum infensissimo hosti, quam societatis civiæ perturbatori perniciosissimo.

7^{mo}.

kk) Pietas enim basis firma est, cui imperii & vitæ privatæ simulacrum insitit, quam constituit 1^{mo}. Cultus erga Deum, cuius partes sunt: amor Dei, timor & honor testatus, fide & charitate, ac officiis iustitiæ christianæ. 2^{do}. Grati animi significatio erga Deum. 3^{to}. Zelus verus propagandæ religionis christianæ. 4^{to}. Preces, supplicationes, adorationes religiosæ cum frequentia, constantia, perseverantia, fervore & ardore, mente pura, cogitatione sincera; & quod in paucis est, immaculata conscientia; ut nec sit sanctior ara vestalis, nec Pontificis cubile castius, nec pulvinar flaminis tam pudicum!

ll) Imperare siquidem & parere imperio est ars omnium pulcherrima, quæ duæ res a civibus excludunt seditiones, tuentur concordiam. Qui enim legibus & magistratibus nescit obsequi, nunquam gerendis magistratibus idoneus erit; magistratibus autem opus est, sine quorum prudentia ac diligentia civitas esse non potest, quorum descriptione omnis reipublicæ moderatio continetur, neque iis solum præscribendus est imperandi, sed & civibus obtemperandi modus; nam & qui bene imperat, paruerit aliquando necesse est; & qui modeste paret, videtur, qui aliquando imperet, dignus esse. *Cicero de legib.*

mm) Commonet quasi eos omnes; qui buccis continuo plenis ad ravim usque declamant prædicantque tolerantiae virtutem; ipsi interim intolerantissimi & discordiarum tam in sacris, quam profanis incentores & disseminatores præcipui; nisi enim eorum sceleribus & injustissimo agendi modo, panegyrim dicamus, hostes aperti declaramur, & omni ultionis, vindictæque generi exponimur; quis enim magis frontis est imperitiae? quis famæ bonoque nomini, & rerum temporalium felici successui inimicitior? quis viro- rum recto corde, & solida virtute præstantium acerbior est persecutor, ac ii, qui dum probitatem suam continuo deblaterant? Sufficiat nihilominus nos effigie hac veram tolerantiae virtutem ad Christi exemplum, ejusque sanctæ Ecclesiæ indicare voluisse, complectique.



7^{mo}. *In specioso juvene nn)* quem æternæ vitæ, fini suo appropiantem rutilante in vertice flamma conspicuus sublevat, deducit, & divinæ sapientiæ sistit religionis Genius, quemque tenebrarum retrahere conatur angelus, tristissimam effigiare voluit Maulbertschius metamorphosim: quam facile, & quam persæpe homo, utut sublimioribus instructus scientiis, virtutibus alias conspicuus, dum veræ sapientiæ jamjam appropinquare videtur, a mundi illecebris illectus, a passionum turbine abreptus, in cœnum vitiorum misere proruat.

8^{vo}. Viæ lubricæ arripiendæ indicia e cornucopiæ genii *sagittæ, larvæ, pocula, aliaque innumera* abunde demonstrant, ad quæ alliciant.

9^{no}. Quid aliud fulmine prostrati in abyssum Gigantes significant, quam hominum illos, qui omnia, quæ religionis sunt, exuentes, vitiis pravisque animi & corporis affectionibus se dediderunt, sibi que ruinas cum interitu ipsi struxerunt? Quorum numerus licet omnibus retro sæculis non exiguus fuerit semper; nostris tamen temporibus præprimis est omnino nimium auctus; quorum omnia eo tendunt conamina, omnis impenditur ingenii vis, & acumen, ut cæteros virtutis adhuc, veræ sapientiæ studiosos, religionis affectas in eundem secum infelicitatis præcipitent barathrum.

Quod utique etiam agendo & persuadendo consequerentur, nisi providentia & sapientia Dei infinita hominibus istis præsto opem & auxilium subministraret, constancioresque petra intra maris turbulenti fluctus redderet.

Ac omnino, humano more si loqui velimus, fatendum est, justissimam nobis timendi causam fuisse, ne immanes illi publicæ securitatis hostes, cum insidiosis suis persuadendi illecebris, tum vaferrima agendi nequitia finem suum aliquando in maximum humanitatis detrimentum consequerentur. Verum, quam cæca hominum judicia! tam abstrusa & recondita sunt divinæ sapientiæ consilia! Illo ipso tempore, cum securitas publica, quies, ipsaque sacerrima Religio summum in discrimen adducta cunctis vide-

nn) Genius hic a Maulbertschio depictus solius veræ & æternæ veritatis inquirendæ homini melius sapere volenti viam rectam, quam teneat, ostendit; ne vero ullis unquam perversæ philosophiæ machinationibus aut insidiis a veris, sanis christianæ philosophiæ principiis se sinat abducere, fovet & sustentat.



videretur, neque auxilium aliquod, hostium fraudibus resistendi, satis firmum, validumque appareret, hoc, inquam, tempore Numinis Divini providentia, quæ cuncta ad finem suum suaviter fortiterque dirigit, vim suam ita cœpit patefacere, ut impudentiæ hostium nostrorum indomitæ illud aptissime possimus ingerere, quo Tullius quondam salutem patriæ suæ, subito, ac inexpectato modo recuperatam, eidem Providentiæ luculenter adscripsit: *Nec vero quisquam, ait, aliter arbitrari potest, nisi qui nullam vim cælestem existimat, Numenque divinum: quem neque imperii vestri magnitudo, neque sol ille, nec cæli signorumque motus, nec vicissitudines rerum, atque ordines movent. — Est, est profecto illa vis: neque in his corporibus, atque in hac imbecillitate nostra inest quiddam, quod vigeat & sentiat, & non inest in hoc tanto naturæ tam præclaro motu. Nisi forte idcirco esse non putant, quia non apparet, nec cernitur, perinde quasi nostram ipsam mentem, qua sapimus, qua providemus, qua hæc ipsa agimus, ac dicimus, videre aut plane, qualis aut ubi sit, sentire possimus.*)*

Hæc, hæc profecto illa vis est, quæ in hac late grassante tempestate, quæ tot jam annos universam pene Europam concutit, hac temporum nostrorum labe, hoc tristissimo honestatis excidio, infinitam gloriosissimæ domui Austriacæ fortitudinem, & constantiam adeo non passa est debilitari, ut, quod fere inauditum est, per damna, per cædes, ab ipso ferro duxisse vires suas & augmentum videatur. Hæc Ducibus Ejus eam prudentiam, sagacitatem, animumque inspiravit, ut rapidissimo huic torrenti obvia quæque horribili cum fragore, inauditaque vastitate secum rapienti aggeres possent validissimos opponere. Hæc fortissimis Ejusdem bellatoribus id robur, eos animos addidit, queis excitati, monstri hujus, sanguine humani pasti, ac omnem ordinem, omnem quietem, omnem securitatem, religionemque omnem funditus evertere cupientis insultibus intrepida fronte occurrerent, omnesque ejus furiosos impetus maximo animo retardarent.

Quis, hæc legens, audiensve, adeo sensus humani sit expers, ut incredibilem, deplorando hoc rerum statu, FRANCISCI Patris Patriæ Clementissimi, constantiam non admiretur? Quis tam iniquus rerum æsti-

*) Cic. orat. pro Mil.



æstimatōr, ut Ejus plus quam paternam sollicitudinem, curas, atque labores, quibus paci & securitati, Imperio Germanico procurandæ, tanto jam temporis spatio, constanter intendit, non agnoscat, cum ne proprio quidem parcens sanguini, CAROLUM fratrem suum unice dilectum, præfenti exponere periculo, atque ante ipsam fortissimorum suorum militum aciem collocare non dubitarit?

Quo quidem sapientissimo ac plane divinam quandam Ejus in populum suum charitatem spirante, consilio, quam bene instaurandæ quieti publicæ, possessionum securitati promovendæ, religionisque sacræ a sacrilegis hostium violationibus immuni præstandæ, consultum voluerit, exitus nos, stupore defixos, attonitosque docuit sane quam luculentissime; quoniam quidem, quod patria nostra charissima periculo, quod omnium cervicibus imminere jam jam videbatur, tam subito & mirando plane modo erepta est; quod latronum istorum humani felicitatem generis perdere conjuratorum ludibria non senserit; quod nec sacerdotes ante suas aras immanissime trucidatos, nec exultantem in regni visceribus funesto latrocinio impietatem atque audaciam, nec horribilem illam quam in suosmet cives parricidarum immanitatem exercuerant, in Bohemos exercitam non conspexerat, secundum Deum CAROLI Belliducis diem, an servatoris nostri pietati, sapientiæ, fortitudinique, omnibus omnino laudibus ac præconiis majori referimus in acceptis.

Ille enimvero, Ille cœlesti auxilio roboratus, cum vix finibus Bohemæ metu futurorum suspensæ ac conterritæ adpropinquasset, non aliter ac si vis quædam Numinis vigore insolito omnium pectora occupasset, irruentem patriæ nostræ pestem, atque spe jam regnum hoc devorantem barbariem compressit; Ille flammam atque ferrum, ille cædem, incendia, rapinas, libidinem, a Bohemorum vita, lectis, fortunis, corporibus arcuit; Ille a templis sacrilegia, ab oppidis direptionem, ab agris vastitatem depulit quam longissime.

Nempe miramur in CAROLO eum Principem ac Belliducem, qui senili quoddam usû, sapientia prudentiaque juvenilem ætatem suam prætergressus est. Cui quidem ætati quam incaute ac temere hostes illuserint, tum grandi suo malo experti sunt, quum tanto cum terrore ac consternatione trans Rhenum, toties sibi fatalem, in latibula suarum munitionum rejecti sunt, ut illæ ipsæ, per quas non tam passibus, quam latro-



latrociniis, ad nos usque penetrarunt. vastissimæ regiones angustæ eis esse ad fugam viderentur. Novit scilicet Princeps Serenissimus hac sua incredibile sapientia suorum militum animos, occultis quasi vinculis sic devincire, ut exercitus, vastum illud corpus, una quasi regi anima, uno quasi inflammari desiderio videretur, CAROLO non aliter, ac Patri filiorum plane pietate obsequendi. Familiam diceres quandam cum patre egressam, ad vim fortunis paternis intentatam, conjunctis viribus repellendam. Nec mirum: quibusdam enim Illius adhortantis illecebris, quas sæpe sentias melius, quam explices, atque hac mentis firma incitantur persuasione: a cœlesti providentia CAROLO id gloriæ esse reservatum, ut a finibus procul nostris, ad ipsorum usque speluncas, omnis crudelitatis impressas vestigiis, Neofrancos repelleret, quos non fœderum religio, non jus gentium, non jurisjurandi sanctitas continet; sed illud summum jus esse putant, quod sua immanitas, libido indomita, efferataque tot inauditis facinoribus natura unicuique persuaserit. Hinc ille ardor, hinc illa incredibilis bellatorum Ejus existit patientia, qua rigidissimo hyemis tempore, quo etiam feræ ob vim frigoris latibulis se tegunt, e cavernis illis munitionum, in quas se post fugam illam turpissimam conjecerant, hostes suos exturbarunt, illudque tandem propugnaculum, ex quo ob suppetitias a vicino illo altero facile sperandas furentis belli fragores securi hostes despiciebant, tanta animi excelitate, & constantia adgressi feliciterque potiti sunt, ut iidem hostes, hoc insolito facinore attoniti Principem nostrum Serenissimum, quo ubique præsentem, ubique Duce operis, ubique hortatorem, laudatorem ac socio, omnia gesta sunt, noscere cupientes ad eum usque sese penetrarint, virtuteque Illius commoti in adplausus & præconia senilis Ejus prudentiæ effunderentur, qui prius vim Ejus nondum experti, juvenili ætati illudere non erubuere.

Quam illustre ad propagandam CAROLI Principis gloriam, quam splendidum ac insigne isthoc inimicorum testimonium! Non est gravior nervosiorque virtutis commendatio, quam quæ ex ore ipsorumet hostium proficiscitur, cujus cum semper, tum istis præcipue temporibus in natura veluti positum est, triumphantis gloriam allatrare, obscurare.

Atque hæc imperterita animi constantia, hæc non interrupta bonæ causæ defensio, non aliis, quam iis propria est principibus, qui hanc maximi veritatem momenti jam inde a teneris usque unguiculis alto imbibere



bibere constituerint animo : Princeps Dei foederatos & vicarios quosdam esse in ejus auctoritate & dignitate propugnanda : eosdem quasi tutores curandis populorum bonis, in quibus religio facile principatum obtinet, divinitus institutos. Variis e casibus pendere hominum singulorum : at ex una religione apta esse regnorum fata ; se regnum a Deo accepisse, quod Deo fervandum esset ; neque satis tuto ibi regnare posse, ubi fides vera, pietasque ferviret. Regna mortalium non esse aliud, nisi æterni & immortalis illius regni, quod in homines Deus exercet, expressas quasdam imagines ; quemadmodum igitur Deus ipse, dum orbem terrarum administrat, hoc sequitur, ac spectat unum, ut colatur ab hominibus, & qualis quantusque est, agnoscatur : sic regnorum hanc esse summam, hanc regnantium metam esse debere, ut honori Numinis amplificando, promovendo cultui, hoc est, religioni excolendæ, omnibus omnium modis inserviant. Quod ubi Princeps præstiterit naviter, tum Dei quoque ipsius interesse, ut ejus tueatur opes, dignitatem augeat, quippe cum sua ipsius dignitate gloriaque conjunctam.

Dicam hic, quam fideliter & examuffim hoc summi ponderis officium FRANCISCUS II. dignissimum hoc imperii germanici caput, impleat & observet ? Verum quid aliud, quam rem unicuique subditorum exploratissimam recensere videar, qui propriis eam usurpant oculis, publicis percipiunt, discuntque ex literis, privatisque in congressibus hanc sibi loquendi eligunt materiam, Regem Nostrum Augustissimum tanta firmitate, animique inductione huic ab omni gente, omni sæculorum tempore, agnitæ veritati adhærere, ut in bello hoc difficillimo, ac nulli eorum, quæ scriptores posterorum memoriæ consignarunt, comparando, etsi eorum ipsorum, quorum maxime intererat, salutem publicam conjunctis viribus defendere, vacillaret constantia, sociorum mutaretur voluntas, amicorum ardor languesceret, tamen non, quid hæc mutata rerum facies, sed quid a Deo impositum sibi munus exposcat, attendens, suis copiis immanissimo ac deterrimo hosti usquequaque resistere, a subditorum fortunis, vita, ac religione cæcum ejus impetum & furorem prohibere, atque ut securitas, pax, tranquillitasque ubique tandem restituantur, constantissime adlaborare perseveret.

Tanti



Tanti est, veritatem hanc de summorum Principum officio, cordi firmiter, alteque impressisse! Quod

10^{mo}. Heliotropii symbolo virtute & columna *Fortitudinis* indigitat penicillus.

Nihil jam superest, quam

11^{mo}. ut foeminam illam meditabundam meditativius contemplemur, quæ matrem omnium bonarum artium, & inventum Deorum, Platone scribente, philosophiam veram & sanam, fata hominum omnia volventem, notantemque præsentat. Hæc enim, si sana est, nos lumine verificæ fidei illustratos ad Dei, religionisque cultum, tum ad modestiam magnitudinemque animi erudit; eadem ab animo, tanquam ab oculis, caliginem dispellit, ut omnia superâ, inferâ, primâ, ultimâ, mediâ videremus. 1. *Tuscul.*

Hæc medetur animis, sollicitudines detrahit, cupiditatibus liberat, pellit timores. 2. *Tuscul.*

Hæc veræ innixa religioni radicem omnium malorum, si audias & sequaris eam, stirpitus extrahit.

Huic ergo nos demus excolendos, patiamur sanari ab ea, si boni deinceps & beati esse volumus; omnia adjumenta & auxilia bene ac beate vivendi ab ea repetamus, donec continuo de virtute in virtutem progressu *per cognitionem ejus. qui vocavit nos propria gloria & virtute — fugientes ejus, quæ in mundo est, concupiscentiæ corruptionem — efficiamur divinæ consortes naturæ.* Petri 2. cap. 1.

* * *

At in portum sumus! opus hoc magnificum descripsimus, & ex historia illustravimus profana quam sacra. Itane abituri? quin Ei, cui in acceptis totum referimus nos, & posteritas refert gratissima — elogium scribamus? nolis etiam Abbas Reverendissime! filiis tamen tuis concedas aliquid, necessum est: facile enim genus elogii tenemus, dum orator Tui tacitus es:

I

Hinc



Hinc mola dum panes licet urat Sirius agros

WENCESLAE tuis irrequieta parat.

Hinc dum theca patet librorum splendida mentis

Efuriem dapibus tollere prompta suis.


Ad Jesu exemplum mentem corpusque fovētis

Te quoque Pastorem quis neget esse bonum !

Nihil addimus — nisi, ut Deus Optimus Maximus, quo adjuvante, memoriam Tui, Patriæ, reipublicæ literariæ & Canonice Sionice reliquisti immortalē, Te nobis, patriæ & rei literariæ servet incolumem diu !

Dabamus in monte Sion
Calendis Septembris, 1796.

Filii Tui
reverentissimi Canonici
Sionici.



BIETHEN
VIRI
GRACVENSIS

